




龍眠風雅續集



龍眠風雅續集卷十三

木厓潘 江蜀藻輯

王天壁

字昭文號甕亭順治乙酉科登賢書甲午授英山縣學博十年不調稍遷升徒縣司教陞

山東陽穀知縣甫下車賦籍兵瑣一覽悉記為之招流移闢汚萊均徭賦亭訟獄葺理豐宮纂修邑乘治行推山左第一屢有不論俸滿卽陞之叙顧以鄰邑盜案牽染不得行病没于官公少負奇略諳于經術久躋登童子科父廩坊公甚期許之以為必達荒亂中嘗與予避地秣陵讀書秦淮何大司空園亭接席論文賴其磨礪予嘗謂生平直諒多聞之友惟公與許子伊蒿兩君故投分最深久而彌篤嗟乎崔公歿誰復容睦夸者公為人孝友篤誠待諸父昆弟友愛為人所難初娶郎夫人貞淑賢孝有少君德耀之風崇禎辛巳避賊至樅陽追急將執之躍入龍潭歿焉公與予篝燈夜半每為叙其懿行痛其義烈涕泣泚瀾矢學摩詰不再娶所以報也艱于嗣息初遵父命以兄子地鈔為之後既又愛地鐸立之曾屬予為購青灣數畝有耦耕之約其地有石門瀑布諸名勝相傳卽李伯

音韻通雅卷一
時龍眠山莊故址未及歸一游而卒于宦邸可悲也。已公歿而南陽之禔鬱林之石澗不可問所刊存心堂制義詩存諸稿聞其板亦漫漶散佚甚至投諸水火諸子莫敢誰何使郎夫人而在奚至此哉。地鈔地鐸徧按詩存于親知家皆不可得已無望矣。予忽獲之敝篋中而地鐸又出其笥藏手錄之。彙歐陽公所謂精氣光怪已能常自發見雖其怨家仇人亦烏能揜蔽之哉。

遊揚州梅花麓

久客多餘暇古史不堪讀治亂紛糾纏悲膺來痛哭招我新相知爲尋梅花麓高岡脇其傍潞水剗其腹雜植四時花團蓋無秋暴亭心鏡四區橋危不可目潦草抱清蛙池荷生局促但聽松風號古瓦亂反復守者爲余言前此比金谷過客賜我錢官司餼我肉老翁未白頭何期黃茂鞠不見提榼來但見嬰城築昨日號令催甘

棠行翦戮直者竿爲兵曲者摧爲輻祇恐明年來老夫無住屋

皋城徐莘叟太史五袞初度寄祝

憶昔甲戌年饑驅泝水浦傭書不得志聊栖富室庶感君兄弟殊深情託肺腑邂逅踏歌間文章遽傾吐高閣啟層軒一榻容予撫因定筆研交羈人得所主未幾事遠役薄游江漢滸相期明年春努力共攻苦詎意成淹畱干戈滿故土好友半零落君無郭外稔亂離靡有定遑情及圭組倏忽兵氣收秋風刷毛羽升歌鹿鳴詩後先相接武眷言金蘭契復獲叨年譜旣君登進士讀書中秘府校讐無餘閒王事更靡盬監朝辭石閣芸夕搦楚

龍門風雅集卷十三
江莊玉筍立亭亭清廟輝璜琥嗣是月麓公雲霄振高
矩一命郎水曹再擢入天部羨爾墮篋鳴功名唾手取
猥予貧且賤碌碌無足數泥首就薄宦栖遲託訓詁所
喜故人門依然有老腐殷勤慰藉生潤別心縷縷密坐
管絃張嘹唳煩諸豎猶記十年前錦衣歸日午招集舊
親知千金散阿堵食客日以百寧計人四黼予亦忝其
間餼率費資斧 皇路正清平有官愁卽補抗懷幽人
貞婆娑林下圃今茲愜素願簪抽亭鶴舞况復徜徉年
正直旬之五松菊可怡悅北山堪閉戶鄴架封琅玕梁
園盛鸚鵡二妙擅雄才高文鬪龍虎富貴無盈虧天人
足仰俯上壽如等閒期願可立覩願學爛柯人忘年自

今古顧我當茲辰縱川返敝宇非無赤石脂亦有青麟
脯遙念稱觴客門生與舊雨

瀟臺呈霍山李元公明府

圍巒青欲小平蕪拓廣陬遠水辭近峽滉漾靡束挈瀟
瀟潭下瀾忽擘雙銀鈎燕尾剪低磧蝦鬚滙前流盤盪
旣西側迴瀆更東澎環抱方幅石澄虛動四游激昂巨
鰲首戴此蓬萊丘竒峰負怒濤峭壁削空湫上有拔石
幹倒屈枝相樛仰視百尺巔飄緲凌飛樓循崖理姝狀
權緩心彘猶遵途步河濬林麓風颼颼瀟瀟萬竿碧自
與恠木儔亭臺各選要磴道仄相求陟降隨引勝左右
恣窮搜俯溪怯千仞憑高豁空眸鐘聲散林薄一往川

音韻集卷一
谷收漁舟乍離合烟霞時去畱賓從靜咸適雜還地逾
幽瀨魚戲欄檻文鳥窺丹髹綠字昭華軒炫轉波雲浮
快寫丘壑胸允期風雅輯匪云惠來茲良足景前修緬
思漢武皇南嶽長千秋

樓頭女子歌

樓頭女子薄面苦結髮從人教歌舞紅顏嘗伴老大翁
掩袖爭妍態妖蠱嫁得金夫永分背音拜家中獨有雙
親在白日西匿關山遙却似明妃歸紫塞可歎人情不
相若生男不及生女樂大家滋利比鹽田小家亦賴寬
傭作王公過客願傾心敝帚之價題千金琵琶纔通一
兩曲高山流水無知音道逢宋玉初來此顛狂欲夢高

唐歿瞥然一見發長笑不如時日鄰家子鄰家美人天
下白願嫁王郎作嬌客若使珊瑚貨綠珠應成大賈居
陽翟君不見黃鍾瓦缶爭鳴雷鳳凰無聲凡鳥來盛名
之下實難副今之相者舉肥哉

梅花片茶行更試霍製芥片松蘿作

春山社後雨如麻天蛇閃掣香女車一聲催出黃金芽
白雲峰頂紛騰拳筐籠明月歌喧譁林驚暗走初生麋
仙人玉杯探流霞手向柔條怯漫加陰崖雀舌令金鴉
茸茸欲濕絞綃紗親以雲光之麗珈試以冰筋之寒牙
星星活火動谿榭微陽時候飛灰葭五花片片落晴沙
脈理全整無皺斜吳姬粉面半迴遮清風馥馥生梅花

此種近出張公家國香遂與涂老誇主人底事作生涯
一朝賣盡空豪奢涂老去後張亦遐至今不復來官衙
何人巧思復偏賒摹來顧渚渾無差越僧更製松蘿嘉
黃磁斗貯幽蘭葩枯腸叫索水晶瓜月團皎皎鑄中蝦
空齋獨啜頻咨嗟念爾根移不再華念爾根移不再華
那堪更向鳩盤茶

段觀察公殉難歌

粵稽取義成仁士令名赫赫垂青史至今高節誰與儔
如公屈數無多指在昔賊闖茶中原逆騎所向無堅壘
秦豫之間皆破滅孤城豈有聲援倚登陴誓不與俱存
書生敵愾雄無比竿首頻裊賊使頭詈聲直出重圍裏

其奈人力苦罄竭天心不改平陂理北拜遙辭君父前
微軀合殉封疆歾痛哭淒涼鬼神泣况乃夫人與穉子
滿門骨肉化飛烟併逐忠魂同一起巷戰不獲命始盡
頸血未濺空切齒景仰高風莫可卽憑軒獲式公之里
良邑曹侯知最真把酒備悉其所以往事常難盡信書
多君激切提雙耳使我聞之慷慨生傾心不覺前移几
太息苗裔無一人墓門冷落荒荆杞行將立石表公道
但聞公已爲神矣秦人廟祀自千秋何須更挂黃壚紙
喜黃將軍捷于里門

郭外滿弓刀秋空殺氣豪閉門羅鼠雀飛羽達旌旄雨
過膏原血風來散盜毛將軍姑解甲還有隻輪逃

秦淮何司空園春日卽事同潘蜀藻作

邀客蘭舟上焚爐待落暉翩翩盤袖舞白白饌魚肥夜
漿呼防觸朝琴醉抱歸誰家簾內立看殺綺羅衣

下第行北道中

二首

北地春多熱南天曉但雲塵沙雙眼眯榆柳寸心焚古
井依田洳荒牆戍堡軍逢人都下第敢自擬劉蕡
野曠東連海山遙西接秦荒城藏虎豹古廟掩荆榛柳
絮隨行客桃花作主人回看風起處白日總黃塵

居庸關

紆鬱千門折嶙峋兩壁支 帝王非在險天地得無私
紫塞形堪扼丹青謀可知 羶裘皆頓顙不是棄繻時

八達嶺

複嶺東南盡平沙西北通馬如輕燕羽山似野狐風短
草荒邊色寒流咽戰功關城臺點點回首白雲中

宣府城中

北來推上谷西去接雲中城帶高秋氣樓尊大國風人
情還戰鬪天色只溟濛斥埃經營息空縣捍禦功

都門旅寺中秋述悶

朱門初得月靜寺一鳴鐘却悔碁離手翻憎酒在胸燈
青牀蓐冷堦白瓦簷封老衲高眠後蕭蕭聞夜蛩

南康山中贈王子雲

避亂廬山下知名一老儒文章淹歲月書札徧江湖破

屋虧棲止痛童仗起居草玄人不識衰淚洒童烏

王痊子于

所居側

寧津禹廟落成頌史明府庸庵

城破村烟斷君來禹廟新盡能輕物力自不忍明神北極開黃屋東方覲紫宸悠悠河洛遠猶有報功人

初入英不甚耐遇僧從巢湖來居山中聊以自慰旅緒愁何似僧來始欲寬湖邊春草綠山裏夜鐘寒苦菜尋將盡新茶募更難自言塵世事飄泊豈無端

送別胡巢阿郡守罷官還里

二首

山阿叢桂發一去感生成解印無慚色驅車有壯情歛身辭泛愛畱事與閒評珍重高堂養禔遲保令名

自分遭逢薄無緣告語難受知如有素推誼復多端名已青雲附人還白露看平生雙涕淚都向別時彈

金斗歸述途中旱狀

西行經郡邑呼籲不堪聞挽水天河涸燎原地軸焚一秋軍國賴數日炊生分夜夜山頭上風來散黑雲

壽潘蜀藻母太夫人六十

二首

共事秦淮上潘生少弟昆人從叔度至母似季方存判薦供炊火分箋限燭痕百年深閣裏所願在加餐

門閥貴皆世才名子並親竹心調鳳嘴松節養龍鱗月正輝天姥星當祝老人稱觴見壻輩次第幾多巡

母以中秋

前四日壽母苦節數十年工詩博極羣書

英署剪韭再種

記得春初種淡畦布子圓山盤常一束歲曆度三年名
笑官應滯根知老再妍不同瓜豆蔓纏破屋頭椽

山菴阻雨

對水茅亭坐當簷小木橫愁將眼的歷看得雨分明稻
濕村酤斷芻無櫪馬鳴尚思猿鹿出一慰眺山情

下第歸途次慰戴山民畱與同歸

計日家園近躊躇不肯前落花雖有託芳草正無邊稚
子饑時待高堂夢早傳好將黧黑面付與室人憐

落第馬上口示同歸諸子

怪到鷄鳴後心傷忽泣然相呼亦上馬只睡屢遺鞭文

字疑同學才名讓少年壯懷催髮白歸志欲逃禪

巴河道中

十月零秋露單衣曉不寒藁田芽稻長沙路馬蹄乾柏
樹隨霜剪綿花帶雪團家家買一豕珍惜比兒看

新城道中

三輔畿南地官橋凍早春比閭周井在澤國禹河湮野
曠林行白沙踈麥縷勻店人要飯直橫索到儒紳

過道士泐

絕巘撐江面孤洲落市情石紋波鏤就崖樹鳥銜生急
峽趨寒翠沉陰上冷清半天僧住好功令得無驚時有汰僧

令之

黃石港曉發

晚泊邨烟暝晨興早溯洄鐘鳴僧舍近人語網船來港
月孤篷滿江星萬頃開恬波行十里高枕意悠哉

栲栳山度歲步方還山歲內見惠原韻

臘月同人集春羹試早盤入山由我嬾畱歲與君歡白
髮孤燈照青天萬嶺看夜來霜候早先到五更寒

栲栳山元旦

二首

絕頂惟天近無人任鳥譁歲添朝起衲春動昨澆花椒
柏憑兒女衣冠憶縣衙通宵喧爆竹山下幾田家
斗室天香滿年華此夜分燈明群象寤鐘落下方聞佛
水烹崖乳僧衣裹石雲清廚行圃菜縷切自紛紛

聞四弟蔚然尚存且公車長安信至

昨日長安信城中戚友喧門衰添一弟年少半諸昆始
識家人字遙憐故國存雲霄吾舊夢望爾早飛騫

在霍英聞夏二生過訪因畱集卽事

嶺路啼猿滿君來雲氣蒼喜聞新令好愁說舊田荒老
友頭誰黑官齋草尚黃諸生閒問遍杯酒話偏長

霍山寄六安徐太史莘叟時在吾里擬卽歸陪

二首

太史龍眠興傳聞在夏初豈知前日駕先得幾行書到
自尋朱履歸須記草廬卽看榴照眼花下等鱗魚

桃李香三接風流一絳紗

時邑侯出徐門下

管吞連夜漏

徐隨有梨

園善聲歌筆散滿城花捧杖移星色

時携有次

題門過竹斜

不應龐處士反去阿徐家

予在霍霍故夢地徐家在焉

霍山再聞子規

酒破醒難寐因君忽再過去貪春自在來苦夜如何叫
遍鷄人屋啼成燕子窩歸家無故婦空作屢屢歌

接四弟蔚然落第還粵西書

多少悲兼喜思從釋褐歸似兄乘舊馬向母戀斑衣江
北鵝空看湖南鴈更飛書來不識面情事兩乖違

過天界寺贈石潮和尚

竹杖迷叅訪松關久寂寥師携雲入定客與鶴來朝注
水澆饑火安心養學苗眼光渾欲迸知是慧根饒

壽胡螭贊祖母八十

最苦夫人節胡然六十年

夫人二十而孀

歲從寒杼度門仗隻

身全白髮長冰雪黃墟再海田

夫人早失夫于又復恣

猶營舊洲

渚時得橘奴錢

一子如絲息夫人淚續成遷來三舍遍住處五雲生秀

草秋還萎萱花晚獨榮不堪因李密又結報劉情

穀邑公役回道中述悶

欲試循良學乖違事事非望城知苦近看馬帶愁歸地
凍和心冷塵欺撲面飛不才成閤劣空想芰荷衣

項羽

咏史詩凡五十五首止存十首

晝錦東歸事頗豪咸陽同日苦蕭騷徒誇破釜軍方盛
忍聽坑降鬼欲號人自縞衣憐義帝天教紫氣塞成皋

年年塚土烏江上不及長陵霄漢高

張良

故國山河淚未收沛公天授豈人謀蕭曹等輩稱三傑
秦楚中間決數籌黃石早能知孺子赤松老不羨留侯
匆匆博浪渾無賴偷得餘生已報讐

周勃

將軍十萬果稱雄南北兵符節制同白馬幾忘先帝誓
蒼龍猶據代王宮安劉本用調和策上壘難言擁戴功
自使天顏常日送因圍蕭瑟起悲風

楊雄

絕代詞人委逝波大夫風味竟如何先朝戟下官雖小
太后宮中泣正多歿後但愁名寂寞老來翻覺事蹉跎
疾風板蕩增惆悵獨咏商山採蕨歌

李膺

將軍塞上舊空庭破柱天回貫索星自使時人推李杜
總教黨錮起桓靈龍門血染河流濁犴戶冤沈鬼火青
為憶仙舟誰與共江長漢廣好揚舲

陳實

噉噉丰裁不可容陳公晚節學中庸黨人禁後無消息
名士同時有吉凶華表星遲依弔鶴朗陵門遠隔登龍
春風閣上披圖畫寂寞何人獨隱傭

郭泰

龍門風雅集卷十三
洛下容與錦纜開江干雜運譽髦來親持藻鑑非多事
老作津梁亦愛才處士有星都犯月角巾無雨不驚雷
傷心最是瞻爰泣屋上慈烏祇自猜

皇甫規

手按青萍願備戎隴西關外倚崆峒封侯慢擬中常例
下獄徒論左校功却許萹蘿甘附黨肯教瓜李或通公
鹿門舊有夫人在勁節高風也自同

蔡邕

曾聞內殿封章奏又見江潭放客吟董卓有心知辨笛
王公何故莽焚琴虛疑座上中郎歎實少橋邊國士心
漢史不成空剩曲一彈一鼓一沾襟

祖逖

銅駝遙望草青青楫誓江流不再經豪傑總歸新節度
中原半復小朝廷旌旗歷亂翻河影壁壘參差隔漢星
父老祠前方痛哭壽春城郭已嚴扃

送胡子兌之粵

時家君客于閩海

聞君痛哭辭諸子青眼雙含淚未收安得金錢隨手贈
不煩鷄鶩傷人謀才高有力終騰達年少方剛足壯遊
媿我豎儒安坐食海風倒白老烏頭

落第歸道中夢亡妻郎氏卽夢傷之

二首

陋巷蕭條落敝帷幾年風雨泣牛衣多君井臼能椎髻
念我泥塗每下機客路今如同鴈浦貞魂昨遠釣魚磯

醒來說夢都非幻腸斷香車挽不歸

玉堂春色望來稀彤管酬君事已非青草漫漫貞婦恨

黃河渺渺故人依鳩形未改恒饑面魚腹猶存舊著衣

妻以拒賊投河歿別後汝親都歿喪夢中猶欲訪庭幃

童子採荷花至喜插瓶中時旅緒悶甚不覺喜之

至

擎來一片色香侵摘去池塘任淺深翠羽恰迎風冉冉

青枝渾蘸水陰陰平分小屋舒雙眼漫入磁瓶歎寸心

更憶水盤堆雪藕白花凌亂恐難尋

高淳夏日飲唐盛際同年宅

渠塘新水漲新荷負郭堂開碧草阿鵝鴨亂當荒徑宿

弟兄都逐短牆過雨吞嵐氣諸峰小樹吐湖光一綫多

病裏還來尋竹看莫酤醇酒使顏酡時為酒所困

先君誕日二首六月十一日也

麻衣草枕客殊方明發深懷此際長馬援昔年猶矍鑠

父亡年六十三王修近日苦悲涼家園薦食惟新穀先父生時以是日食

新歲月傷心是小祥回首已成千古事人間獨我負高

堂

漫漫泉路絕躋攀一去先君永不還何用餘生猶世上

可憐初度復人間老來歲序都虛過別後鷄豚亦等閒

却憶年年空若此舞衣長迸血爛斑

友人言招寶山海上奇觀近為防營屯兵處遊人

絕跡子在慈水相去咫尺悵此緣之不果也

擬豁雙眸看浪回人間此處好登臺乾坤南帶蒼梧杏
烟雨東縣日本來實想半山碁子落虛疑丈室海棠開
連營久戍屯兵地把筆空懷作賦才

下第旅寓述悶

此時此地看春好獨坐相憐意黯然白日細于欄竹引
遊絲閒上桁衣牽心驚客舍渾楊柳臥夢家山莽杜鵑
濁酒清歌猶興發防人却走在簷前

下第擬寄劉稚川太史

予平時揣摩太史私幸遇之不意適值竟不中

家在天台幽更幽松苓溪耐短鑿遊自知神女能炊飯
聞道仙人亦好樓袒褐即今纏坎塙角巾翻悔擬風流
靡蕪綠遍來時路馬到漳河濁水愁

都門呈里中諸先達

杜陵韋曲滿京華別館張筵啟絳紗曉殿悉看開孔雀
寒池猶待撥琵琶秋虞直北將來草春負江南無數花
更欲乘槎上牛斗相煩指點到天涯

都門喜胡子兌至

春明逢子禁城隅道上忙將小字呼駐馬書傳家裡事
拂衣塵起鬢邊鬚各遲冀闕羞蘭譜人到燕臺老駿圖
慢擬青氈吾故物艱難全似錦韞瑜

都門立秋日

秋風猶未薄簾幃秋氣蕭條我自知客裏動經六七月

醉餘愁減二三時兵戈楚粵烽傳急早魃江淮信到遲
鷄肋杳然迷去住家書何以報歸期

方繡山司農權署種竹

清郎種竹在官衙取次餘行略種花花供後來遊宦眼
竹宜吾性野人家長鏡帶雨龍根護小閣含尊鶴意遐
他日數竿誰早出嫩篁新筍對春葩

改女優幼雪字或曰雪可幼乎卽席作詩送之

薄粉纖塵總不侵水晶寒透色難禁臨風慣作迴迴舞
落屋輕爲細細音弱質但宜芳草臥嬌花莫共老梅尋
清琴逗引陽春曲一片娟娟積素心

憩栲栳菴蚤起

陶然一覺萬峰青懶赴公車睡始成背嶺幸無風穴射
向陽先得蚤窻明厨邊飯望人來熟籬下鷄欺客到生
總爲踈慵耽淨土翻令筆墨起餘情

新歲

英山署

老人荒岑懶性偏官情歲事兩油然喜將匣印封朱紙
笑看簷茅貼綵錢甕酒舊餘供宿醉園蔬新發飽晨饌
梅花不管人淹滯開放從他又一年

投宿霍山道士冲塾中

草店蟲侵夜不眠貪栖投止藥欄前湍翻急瀑蛙鳴月
椀泛新團蟹沸烟竹筍老烹甘似肉石橋橫看直如船
村師樸訥無文理解醉騎驢渴鄭虔

弔周烈女 事載本傳

生來孤性厭紅妝徑剪麻衣作嫁裳 未嫁入門守節 一面未曾

謀井臼重泉何敢異糟糠夢持竹杖尋夫子 女生其家有神賜竹杖之

夢 誓坐梅樓禮法王 女家先有節女構梅樓禮佛于上女亦效之 薄命久

甘同天折莫將人語及姑章 傳中頗詆女姑章實致女之歿予憐女烈而原其心

故願諱之

江夏徐友見訪畱飲署中因感舊遊

咍憤高歌一楚狂江籬秋菊把年芳浮雲渡水添春色

朗月怡人過草堂此地盤餐鮭菜少故園臺榭燕巢荒

兵戈忽憶經遊處大別還應對武昌

霍山學署贈羅貞符

短牆高柳覆疎花門對南山徑不斜亂後還家成小築

老來種藥養年華農人果剝霜園栗令子瓶開石乳茶

我愛羅含居最近嘗携碁局出官衙

太湖金井寺候取山中家眷寄王蓼思父母

春風桃李事皆非猶寄妻孥宇下依祗為十年難遽別

忍教八口遂全歸吏人散後山猿滿梁肉無時穴鼠饑

江上懷君淹日月不知秋盡蟹螯肥

放舟太湖河時雨後新漲

竹裏伊啞擊汰聲山僧呼我炭船行迴風亂下雲間瀑

濕日強爭雨後晴野水濶從千嶺合中流閒信一橈輕

城邊多少人喧渡散去都穿谷口鶯

方還山有喜子雨後集左霜鶴宅吟新詩作依韻

和之

鬱伊空谷索居時十載從無得意詩時子英山初歸近事頗容

除鄙吝敝廬今復喜塗茨時奉裁方營舊宅以居已撩風雨淹良

晤欲擬心神苦締思待我移家九月裡唱酬還訂菊花

枝

方季方以詩投贈黃州寓中飲次道其門分授藏

書甚富訂就彼買山出示用原韻率答

江寒月冷夜愁賒賴得伊人客自嘉底事想同今逆旅

遠來猶藉舊聲華我聞書屋將千卷君在山樓第幾家

歸去買鄰原有約龐公便挽鹿門車

寓長干寺詩八首

梵王宮殿尚如磐法界初圓地一盤豈許雀窺簷戶入

祇宜龍繞蓋幢幡仰觀佛像頭難直俯拾堦墀膝易酸

自是慈悲空萬有輝煌依舊與人看

大地心安即佛安莊嚴多賴歲時寬諸般珍恠供雕彩

幾庫丹黃入堊墁天上憑工窺制度宮中移石補闌干

到門便可增人福煩惱消除只喜歡

巍巍塔寺迥諸天外是僧房密比聯水浸樓臺三夏啟

松移巷陌九條穿齋堂各供私香火卜肆爭開小市廛

流覽最宜當浴佛雪山須訂再遊緣

極目浮屠慷慨初蕭條物力未全舒但愁舍利珠驚後

正啟琉璃瓦剩餘一自梯雲修碧落更誰把石向空虛
神工似奉更新勅不用官家費帑儲

臺邊碧甃倚天清頂上金繩引日晶六代樓亭橋水繞
三山江樹渚烟平遙梯夜月僧無語細吐春星火自明
最是虛空傳妙覺風鈴吹下五更聲

聞道南闈挿棘森上人門倚落英深藤牀秘閣塵無染
竹規踈潦濕不侵碧草偏縈畱客意黃花無那讀書心
功名似昔豪華改感慨蕭條忽莫禁

涼紗皂帽紫衣裳邊幅修持熠熠光老去兒孫都盛長
晚來門巷各趨蹌有田似我輸官稅不病從人寫藥方
莫道近時無賜物松林新與剃頭庄

木榻蒲團栖息同三尊大佛主人翁垣繚鐘磬前廊裡
樓隱笙歌別院中石竹涓涓微沁雪松龕燥燥細迴風
豈知酒竈茶鑪樂尚有無錢日惱窮

滄暉法師講經藏經社將畢文車索子詩送聽法

諸大眾

增院風鐺靜不譁法幢高唱演蓮華迷途衆已開無限
覺路予還識未差坐處榻穿松頂月歸時鞋踏雨中花
齋堂飽供香厨飯此是長干第一家

姑蘇河漁父

五月田間未插禾漁翁閒著老農蓑橋灣覓埠窺魚上
石縫欹簷讓客過對雨草隨江岫目背堤家隔壠頭歌

定知婦女忙蠶箔可有餘絲試薄羅

贈高瀛仙分閩海上高昔防英山與予同地今以海捷晉官世職

匹馬西山射虎歸將軍燕領本能飛登壇偶署樓船號

獻馘旋揚泮水威捷奏 聖明纔寢食 恩覃苗裔亦

光輝十年禮樂官無補來看連營臥鐵衣

贈主僧雲笈時于浴佛日增一徒

招提松指白公來依舊禪房榻席開乏計客厨時餉食

渴憐詩思許銜杯耕田師授常存畝懺佛人投不募財

似看諸峰羅列好雪山又抱一燈回

申端愍公甲申殉難詩二首

居庸烽火逼京畿策馬條陳事總非公聞居庸失守策馬入條陳不省

國到主亾群象泣賊入過象房橋群象皆泣臣隨宮晚六龍依公官太僕

星辰已散殊書勅時殊詔入閣閣臣皆散雨雪空存白板扉吞盡

熊丸多少淚公少孤依太安人顏其室日和丸所著有和丸集夜臺無辱老萊

衣

國破河山萬里休壽皇亭色慘如秋王經自覺難依膝

率寶先教早上頭公臨難南向拜辭太安人先一日寇其次子井面桃花丹

血灑公歿于井語云井上有桃花不祥墓門高鳥 紫泥求公歿朝廷賜祭葬

天公似等憐周處階下春風拂五侯

步鄧薑菴韻送方還山之楊州弔方老太史

名家子弟列諸峰君是龍文愛所鍾瓜步片帆人獨往

竹林清淚眼雙封蕭條碁興笙歌歇廢閣詩情筆墨慵

把酒還須臨別墅莫教憂悴老來容

憂悴亦任于叔事

步鄧薑菴韻贈徐半僧以雨中見過喜晤之

箬笠青青覆額頭柴門徙倚練江秋
高人忽自雲間出夙願因教雨次酬
老至簷梅還索笑詩來庭草欲探幽
鰥魚無計辭妻子羨爾逍遙物外遊

句曲曹掄生學博送遺試集飲

淝水清齋共食貧無端閒閣兩年身

予時奉裁

已慚苜蓿盤

中客空逐槐花道上人別後交情渾更熱
醉來狂態莫嫌陳知君稽古多榮力
吾事甘同積下薪

蒼梧別四弟蔚然

痛哭相逢淚眼青別離都惜小寧馨
四千里外予心苦

三十年來汝夢醒

弟自三歲流離今三十歲矣

俠士義當同骨肉

弟依

義兄巨臣

先人魂亦有精靈海南燕子長為客
空望迴峰鴈

杳冥

予冀弟早歸不得

白門晤巫巒穉同年

擬看雲霄判杳然秣陵踪跡轉堪憐
星催驛路郎官馬

巫原官司李以新令入京改縣令

雨打江帆博士羶

予時赴丹徒學署

謁選君

如初筮仕卑栖予當老歸田知無貢禹彈冠興
猶望王陽在日邊

贈袁重其所著有霜哺集頌其母氏之節

曾從霜哺挹嶽岑袁子家風夙所欽
歲月綿延增母志

山川來去識君心

重其遍游乞詩旌母

事當好極翻堪涕詩到情

興不費吟秘笈封題皆節孝六丁驅却蛭書蟬

金山寺 二首

碧水孤峰海外洲層崖簇簇裹瓊樓無端屹立東南秀
不動驚迴左右流斜日塔移鮫室影怒風潮拍女牆頭
百川奔注何時息獨抱鼉鼉砥上游
極目高臺衆妙生蒼茫一片斗牛明天門仰落三江勢
城闕雙浮兩岫情却渡帆檣時歷亂自涵鐘鼓越澄清
群山若待題聲價成就中泠已得名

衆山亭眺

亭對一泓瀉天開萬嶺中始知春水濶上與白雲同

南嶽對峙

翠岫兒孫接蒼空石幾盤常時雲蓋頂畱半老僧看

四浦漁歌

徑絕樵無跡漁歌竹浦風起看環寺水都在網船中

長安俠少

夜來十萬賭錢輸空手敲門罵酒胡曉送紅裙飛馬去
不知何處又呼盧

豆生

僧來纔見土痕踈飯罷亭亭兩甲舒半日天光一寸草
鬢邊白髮欲何如

過五嶺

少與先父
舊經遊處

往事凋殘親故悲山川畱得我猶知教兒馬背隄防上

此處先君膽碎時

過斬水縣感舊遊作

斬縣高城古渡東學宮雙闕迥凌空昔時溪水流應盡
不認兒童認老翁

霍行時方還山亦已出遊因別鄧薑菴潘蜀藻齊

然四諸子用鄧韻

山水西南不可群東風一樣捲行雲逢花須寄春城客
花到城春已十分

聞子規二首

花落應知春可憐正看濃綠轉凄然關心不必因何事
但覺聞聲怯杜鵑

晴巒藹藹碧萋萋繡谷鶯花好杖藜贏得春山無限興
子規枝上一聲啼

燕子三首霍山作

來去雙雙更有誰辛勤忙出兩巢兒明年雖又尋梁壘
陌上花殘子結時

朱雀橋前綠暗鴉錦堂簫管噪淫哇山池但把粗泥啄
不羨江南王謝家

舊壘新巢雨不驚飛栖應見主人情畫眉啄盡香秭粒
猶向雕籠作罵聲

奉取入闈未用歸宿平陰見壁間韻和之

朝出平原晚鑄城東風勞送不勞迎排衙又放催科吏

未許歸山聽鹿鳴

到七級

宴上辭歸喜色開無人知道縣官回車帷斥處聞傳語

明日催糧檄又來

方逢月

字漢士又字舒來康熙乙卯歲貢生母夫人

文總角有歸然長德之表嘗與予輩聯汝社為文
會日未哺繕寫已竣文不加點揚揚然意自得也
初餼于郡庠試必拔幟年踰耆始筮仕廣文司太
平府訓加意作人汲引後學不怠稍遷幕職得闕
之臺灣臺灣為新附版圖往必泛海遇風利四五
晝夜可達否則乘石尤復返以為常公叱馭而往
無離別可憐之色頗為其上官所慰獎以老病乞
休二子鳳喈鳳翹適渡海省覲因輿疾而歸歿于
閩之汀州扶藪還里可悲也已公為人慷慨好義
與人交出肺腑相示始終不渝少與程奉常立庵
稱髻鬣交予為蹇修以其季女歸奉常之子松皋
仕奉常薨遺命以藐孤託執友姚端恪公及公兩

人即公之品誼可見矣公雅志克家光大先緒八
試瑣闥不收則力追唐宋八家為古文辭皆沉郁
古茂可以方駕前人如集中神女辨黃忠烈翁夫
人血影石記黃靖南侯祠記皆蹕古轍今之作予
所最服膺者公赴閩時以文集百餘篇見託言其
婿松皋許為之鈹板而屬予趣之曾學詩于予又
請予錄唐詩之可法者數十篇為模楷而篇什不
多見僅于其門人齊子秩斯所得手錄詩一章嘗
撰高祖竹亭公以下四世行狀字裏行間血淚迸
下可以激勸來裔惜宗譜之未及載也以其王父
號培竹公因
自號念培云

葉岫雲明府

顧渚之山秀且淡不及使君風骨之清森罨畫之溪駛

且潔不及使君才幹之明決憶昔使君年少時與予同

學同心期金門獨對天人策彩筆高凌幼婦辭一朝釋

褐宰劇縣銅符墨綬人爭羨縣魚一任訟庭閒馴雉從

教凌隴徧昨歲傳經鶴署中官齋下食皆人龍多君古
義薄層漢陳榻周醇情誼濃所喜驥子頭角異臯比謬
忝青藍滿一枝米掇郝氏香六龍佇標下家幟自是青
廂有世傳父遺清白子稱賢博士先生舉第一天官尚
書報三年我燈君堂握君手笑指顧渚西溪爲君壽郎
君矜佩不足多佇舞宮衣進君酒

劉

蕃

古處順治丁酉歲貢生家貧授經郡城弟
于爭從之遊爲文尤怪陸離皆經鍾鍊而出
楷書有宋人筆法前後學使者輒擢高等久無虛
發六蹶舉塲康熙己未以明經司訓淮之桃源屬
有木患公匡坐談經嘯歌自若雖至坐客無羶一
飯不足宴如也所著有雪堂詩集壬戌冬染寒疾
卧病四十九日每丙夜輒起不寐作詩數首以自
遣未幾歿于官署二子鴻渚鴻浦捧其病餘吟來
質爲錄數詩以存其槩
亦以慰亡友于九原云

古虹婁母割股詩

人生大造內誰不有其身一自惜此身難成忠孝名家
不爲孝子國不爲忠臣誰能割身肉以奉吾君親卓哉
婁太母忠孝出至誠一割活其姑再割活夫君當其割
膚時鉛刀利若雲上有鬼神護下令四海驚旣割以和
藥婉曲奉所尊淚血曾不下履坦如平生果獲彼蒼鑒
享壽如松筠嗚呼天地雖遠濶忠孝無幾人况出閨房
中尤稱絕等倫應上之太史列傳紀芳型皇天旣眷佑
子孫皆俊英佇看上玉堂褒嘉龍篆新以報夫人德萬
古傳其心

同張有方飲烏龍潭道士家

龍門風雅集卷十三
松竹蕭疎是何境人傳前朝景陽井古木參天千仞長
薜荔垂藤奪晝景空壇多有羽士家葡萄滿架烟塵屏
可憐松鼠白晝多尾拂鐘樓鬚樹瘦望中明珠口流涎
山徑無人落花靜此時任意銜之趨直過松陰凡數頃
亾何月下美人來摘盡葡萄空架影唯願明年花開時
銜花直上須彌頂任君招得看花人月影花陰露清永
鼠計得今主人愁金莖還向漢宮請

張孝烈先生歌

皖江最竒天柱峰群山轟轟青芙蓉就中每產英杰士
忠貞孝烈名不同我交張子三十年文章道德世爭傳
劍氣珠光騰霄漢伯樂一顧著先鞭鐸振崇川收桃李

關西子弟師楊子又種河陽一縣花何暮歌聲滿百里
皇恩寵錫及先代彩篆龍章世所美張子見之心悲傷
摧肝毀腸淚不止我亦聞之心痛悲蕭寺之中傳終始
嗚呼張子勿痛悲非是孝子不能生忠臣非是忠臣不
能報孝子憶昔思陵之末造滄海橫流生寇盜白骨成
山血成川旗上人腸插滿道死生呼吸等飄塵臣背君
今子背親反顏或且事二姓君父悠悠行路人孝烈何
如我張公劍戟之前生英風子死父今孫死祖霜刀雪
刃衽席中更有君家南霽雪慷慨亦死睢陽軍青蓮花
發火宅內一片丹心不可焚嗚呼言之心膽裂泰山有
時盡黃河有時竭唯此孝子心凜凜光日月願君世世

產璆琳移孝爲忠意更深麒麟鳳凰都集于百代以慰
當年孝子心

大龍山同諸子言志

三間茅屋倚烟霞半植修篁半種花靈運山情千日酒
玉川詩吻一杯茶漁樵才了人間業瓢笠粗成處士家
嶺外白雲雲外路勞勞何必問京華

張輿公民部大隱園

危樓百尺倚晴空太液波連湖海通隱几靜聽千个竹
開窗時見六朝松清晨下榻宜揮塵薄暮譚經好制龍
卽此已將塵事棄仙家何必白雲中

山齋讀書有懷潘蜀藻

誰傳勤苦讀書情臥聽風聲共雨聲

潘伯母句
因用之

竹裏一

燈喧客舍林間孤月起山城石經早借中郎筆花縣兼
傳少傅名老我年華無著述蒼松日夕與雲平

金水橋應試恭紀步方漢樹韻

漢官原有舊威儀九拜皇居雨露隨鴛鴦同飛紅葉渚
鳳凰初上碧梧枝昭容選句雲生牖侍史焚香月滿池
此日求言五色詔長楊敢說著書遲

江上送春示渚浦兩兒

今朝忽見東皇去分付明年須早來頭白豈因詩思苦
面紅還借酒杯催未酬書債兒能讀旣死禪心僧共灰
手閱殘編拚不寐鄰雞未唱是春臺

碾玉峽懷爾止曼公子直子厚諸友

誰把青山玉尺分臥龍曳尾入蒼雲桃花三月曾無浪
石壁千尋渾是雲倒注銀河飛瀑布種成藍壁獲紅裙
少年此地彈琴輩盡似山陰逸少群

淮濱谷疑一解組歸里以詩見贈依韻答之

問月青天首自搔扁舟采石著宮袍傳經疏受歸來早
痛哭長沙救世勞南國佳人歌杖杜西涼美酒詠葡萄
吾家荷插真難學香茗權將當濁醪

口占贈延譽

楊柳青青張緒年分題作賦杏花天曲江雁塔猶存否
留取名題第一甄

懷汪卓公

曲曲溪橋瀾熨花山中亦自有人家庭前已種陶公柳
宅後猶多陸子茶點綴桑麻如畫裡安排蘭桂總仙葩
主人愛我來清話話盡田蠶日未斜

卓公山館幽絕古松翠竹逼真圖畫

桃源除夕

今夕爲何夕飄然歲已除江湖存鶴髮生計老蟬魚不
寐懷明發焚香展佛書故鄉千里外家宴或譚余

懷故園小

阮守歲
飛觥

懷李士雅

先生河漢口無極詩句清新近自然近日傳聞皈佛法

浮山好看木開蓮

朗目大師云有人來問法惟指木開蓮

懷潘蜀藻

知君元是少微星斗酒題詩筆未停選得龍眠風雅在

騎鯨不羨采江亭蜀藻夢太白星生詩名滿海內選龍眠風雅藝林寶之

漂母祠

許多勝下頑男子肯進壺漿奇婦人怪底功成歸國日

女郎偏又斬功臣成也婦人敗也婦人

楓葉

許多紅樹間青林竟是桃花二月溪獨有門前烏桕樹

較他楓葉醉難禁霜葉烏桕第一楓次之

憶超宗

記得龍山共賞遊杏花風雨正颼颼琴書遠逐天邊去

可有將軍薦馬周時在湖督董公幕中授書書畫詩稱三絕聞董公疏薦之

劉漢字臣向性敏慧讀書涉獵一過即能擷其菁

晚補博士弟子第一明年歲試真第二將食餼以

丁外艱不果壬午中副車乙酉罹黨禍會萊陽姜

如農塚如須垓公安袁特丘彭年皆避地吳下乃

依數君子以居為人駿爽有口善諧謔飲酒博奕

僅及中人而意趣周洽于人無所抵牾所至輒為

傾倒亂定始返從陽學治生家乃日裕伯兄存我

年八十無子生養歿殯悉為經紀晚于宅後倚山

構別墅植花竹召故人觴咏其中以娛榆暮其行

誼具詳錢田間所作劉子傳中田間與臣向少同

學同患難老又同里巷叫酬宏其言之信而有徵

秋懷寄幼光鑑在諸子四首

野雁叫立霜寒颼扇蒼木青燈夜熒熒窈渺照幽獨七尺鯨鮪皮風泥障巾幅凝神執先契遐觀蕩鴻臚朝思

北山松晚憶西潭菊投袂輟天問顧菟空在腹四海無
袁羊誰知趙元叔

安道在剡溪王生夜持舫嵇公山陽鍛向子激清賞所
重非形骸興來每孤往我友多奇懷蘊義鍾兼兩風吹
玉海澄月濯水壺朗酒盞傾珠飛茶鐺沸濤響聯牀塵
尾奮蹋壁大額獎斯樂忘饑寒蓮花忽如掌秋宵理前
言因之寄任昉

缺月憐半破微霜見初乾琤琤梧桐枝結響青琅玕振
衿出中庭露下何溥溥驚鴻繞樹飛遙翩翩秋寒群囂
亦已息古聲暫不彈夷塗望歸愚歛退志所安靡蕪竟
先萎彫悴非椒蘭

雅言遁山樊薜蘿衣未剪逡巡雲霞交良約竟難踐步
啄妨天機歌哭付書卷朱雀沉傅昭群犬吠徐勉本自
澹蕩人曠懷絡絲繭寒裳陟茲塗羊腸豈云險

贈范文青兼懷大范文白

滄桑存碩果兄弟擅文章交以才名老游將山水長元
龍湖海盛小范甲兵強借問西冷業焚書亦可藏

元宵前一夕同仲馭如須和得燈字

風流江左舊時稱擊鼓漁陽我未能鸚鵡杯中千歲酒
鳳凰臺上九華燈共持玄草尋春苑更擬新詩望杜陵
公子有樓高百尺三君長嘯已先登

同方密之姜如須錢仲馭看春用冠字

使酒高歌總不歡，自慚乘興到朱欄。
游人逐醉宵聯袂，當道憂時晝免冠。
北海風流殘蠟淚，西園蕭瑟舊椒盤。
憐予病後車裘盡，博得樓頭一笑難。

同幼光飲用書字

却厭窮愁歎索居，折蒲王育近何如。
君家酒應多難字，我客歌因在草廬。
幸有舊囊餘竹簡，無妨短褐共柴車。
莫言流寓終年苦，夜半焚書又著書。

集吳于廷新居

亂後移家已再遷，南村有地似龍眠。
數椽補葺遮風雨，雙隴淒涼棘墓田。
季札逢人牽縞帶，陳登招我臥青氈。
故鄉館舍多荒草，移得牛車屋上懸。

寄答馬倩若陽江

江南江北欲何歸，嶺外長征馬不肥。
故國春深豺虎亂，異鄉雪後雁鴻稀。
龐公百里堪馳轡，董子三年仍下帷。
病臥思君消渴甚，飲河今得慰朝饑。

古意

買酒江樓問巨觥，相逢慚說舊東平。
多情不必憐蘇小，有病將無怨馬卿。
彈指幾慚燕市筑，回睂空老漢宮笙。
月明清嘯劉琨在，醉倚雲和作楚聲。

送別錢仲馭之任嶺東分臬

三首

擔囊仍是舊青箱，知子無心問越裝。
大布舞衣丞相府，素絲襍被尚書郎。
但言煮海三升飲，不借燃犀十乘光。

前明屈承維集卷十三
羽扇揮來勞按部朱旗偏冒嶺頭霜
荷戈奔走擁如雲拭淚環看送使君司馬近持橫海節
尉佗先草受降文太平澤國三千里憔悴江南十萬軍
往日健兒遮道上山呼饑渴不堪聞
漱流日日飲廉泉清議堂前手一編補牘後先曾啓事
推輪南北豈停年狐裘六載新披錦貂珥三時戒納錢
聞道海陽廉吏少匣中還出舊韓箋

弔高興平

一劍君恩總未酬傷心馬革在中洲赤松有計鴻門遁
細柳無人灞上羞三尺竟傳曹沫手千金難購項王頭
將軍欲索通侯賞雲夢如何不早遊

自題傳影

入山仍着舊綸巾跌坐沉吟性自馴九死一經東漢事
百年半是六朝身性耽巖壑非依木量飲醇醪不近人
異代春秋看十五還留青鬢伴松筠

東陳靜菴司理

君擅才名擁上游河南有日識荊州三湘澤滙朝宗遠
十縣星占貫索浮袖拂和風噓昧谷簾鈎秋月照滄洲
方城漢水稱雄峙移向千山百尺樓

晤韋惕闇感懷昆銅尺木

江左名流三十年每從蕭沈讀韋編經傳前席無雙士
賦獻長門各一天草塞未還蘇老節西溪空泊米家船

玉關應羨垂綸者可及南塘早着鞭

惕闇集同社三宮賦贈

老吏風塵客路艱扶筇偷逐野僧閒廉泉一似臣心澹
官柳還同驛使攀三疊盈樽傾北海雙飛高展傲東山
潭溪不斷桃花水片片清波點醉顏

東周宿來太守

漢家循吏舊三章五馬前驅靖十方自有佩刀安反側

早將縣筆繪流亾轉輸貫粟東南計魏檢點晨星山谷

藏力最是談兵賢太守樓船橫海近湯湯戰

飲宿來署中出讀書堂集暨長公鷹垂容成稿

脫粟依違七載餘偶然移輿托籃輿交因鮑子趨兄事

才妙周郎讀父書少習賦詩能上馬衰憐戴笠向乘車

酒酣更進三升飯傳道新安米未儲

寄懷孫子穀

期君春踏大龍灣湖海茫茫任逞還颺鼠不投千尺水

飛鴻難度萬重山擔囊移昭誰家屋策杖閒扶別後關

一自河干分竹馬元宵秋風蕭颯醉時顏

何亮功

字次德號辨齋順治丁酉舉人前大學士文

端公之冢孫贛州守蓉庵公之長君也生而

岐嶷識量不凡文端公深器之為文汲古振奇不

蹈時畛復社之興與雲間陳臥子夏彝仲金閩楊

維斗錢吉士貴池吳次尾劉伯宗宣城沈眉生梅

朗三諸子遞主壇墀四方知名之士屣履迎門傾

音日風牙糸集卷一
子官年七十有四所著詩文甚夥會其次君扶櫬未歸而是集垂竣不及待姑采其還里時酬贈之作爲拙選光其最奇崛者肺魔詞千餘言瓌詭詰屈直與玉川之詛月蝕虞山之惱天公鼎立而三矣少許勝人多許不其然乎

肺魔詞

稽首大醫王投詞具履歷何生名亮功表字曰次德本是桐城人今寄江寧籍父官章貢守祖拜前相國身薦丁酉科天顏曾仰覲世緣多所經行年過五十家序仍居長行三又行一二子隨長干三女嫁同邑画紙唯老妻斛珠解側室渺小薛公儔心雄晏嬰匹眼眶大如箕髭鬚半如雪談論削枝蔓胸懷屏荆棘復社忝執牛東林常捫虱雅自整羽儀從不涉嫚褻手足凜冰淵髮膚勤護惜不記是何年忽與此病值此病若有魔潛來據肺膈啣啣初聞號號吼漸烈似磬還似鐘在喉又在鼻發縱氣與痰故使相搏擊頭痛碎若椎愈匪陳琳檄神憊杳無根發豈枚乘七口辣等桂椒汗沾比涎汁嚴寒裸猶燥酷熱裘尚慄頰首目若盲抽脇筋如織十萬八千孔孔攖魔鏑三百六十場場防魔襲方在恣雄談粹而委臥席萬死與萬生一呼與一吸見慣亦等閒乍覩輒駭惕憶昔泊江邊舟中呼太急汎兵飛槩救疑爲賊所劫憶昔走山麓輿中喘逆噎農夫荷鋤奔疑爲虎所搯憶昔入棘闈同舍競扶掖走報至公堂唯恐命遂絕憶昔客長安門生立牀側賣驟欲治喪終夜

對之泣似此非一端更僕難為說往猶月一至近則月
三錫冤魄不可招歲華頻見擲反覆思其原究竟不可
得意者麩葉傷非髡不送客意者妖冶侵非玉不窺隙
意者營錙銖錢眼鄙張嗇意者修睚眦唾面式婁則訊
之堪輿家缺陷在龍脈訊之星平家命宮坐磨蝎訊之
岐黃家賦秉多虛怯訊之相宅家方向昧生剋諸家俱
荒唐總是魔作孽名花謝春朝好月負秋夕未嘗貪夏
涼况乎犯冬冽勝集及權游萍梗及膠漆久要自愆期
衆行獨疎節最愁遠朋來尤愧新交別事事因魔阻人
人受魔辟被害有四公供狀在史冊漢武命世雄魔乃
亢其噬相如蓋代才魔乃消成瘠少陵淹蹇夫高枕聽

魔逼香山曠達士罷吟任魔繫干證引一氏誑語詎敢
入老曇大神通梵宮常汲汲魔焰放丈餘佛光僅盈尺
雖有常尊者橫杵睨而立老聃精道術丹鑪每熠熠魔
霧散若灰仙砂不成粒雖有王靈官持鞭瞪而嚇魔不
愛文章魔偏使勢力攫腦魔過猱射影魔類蜮吐舌魔
比蝮掉尾魔同蠍恠嘯魔附梟黠饒魔逐颯狂狷魔倣
老毒嘜魔勝螫回念少壯時猶堪與魔敵間有快心事
聊數以自適策杖黃山巔排雲叫空碧三十六峯頭赤
脚遍松石揚颿彭蠡湖五老迎船揖猪婆拜狂飈歌咲
輕掀溺齊魯賊如麻貫甲夜衝斥健兒彈弓弦馬蹄濺
瓦礫吳越良讌會選聲角新劇晨初繼暮筵車酒聯騎

前則風雅集卷十一
炙當年樂不知轉盼老斯集疇昔同學友八九化異物
碩果誰其珍匏瓜竟不食縱使活千年實受只五百魔
運倘不終魔患何由歇或謂再來身紅塵偶爾謫凡茲
諸苦惱皆是百祥吉惡趣卽導師損後才知益或謂天
獨優酌取英華竭鬼神忌修能高梁嫉孤潔自不合時
宜應被才名折或謂玩世情遊戲隨所陟善謔入禪中
無免任袒側雖與古爲鄰難向俗人說此論誰見之但
稱說者曰伏惟大慈悲垂憐判曲直憤懣莫可申忍痛
空填臆平生頗錚錚到此肯寂寂竊聞金天王關說供
博奕有徑魔必通反噬將無及賤子固無懼上帝方赫
赫激切語無次瑣屑字溢格魔倘許相離甘心出和息

稽首復稽首左具年月日

訪蜀藻不值

到門見老僕心知已入山徘徊不忍去展轉雙扉開草
堂亦匪遠奈此行步艱楊子有壯驢欲借恐其慳故鄉
少故人惟君數往還因披別後札思看別後顏會當乘
早涼緩步叩松關籬筍一味足慎勿入市闖

別故鄉四十三年別木屋先生且十七年招飲高
齋不勝今昔之感賦此請正後期握手又不知
在何時也

客爲誰盧玉川主爲誰李青蓮一啜七碗一斗百篇險
語怪詞驚掣電高譚雄辨爭鳴泉平生飛動不可制旁

人竊笑疑狂顛薑桂相同性迂拙面皮雖冷肝腸熱哀
樂枯榮只等閒時宜不合時流說酌君酒爲君歌故山
其奈故人何會當放舟秣陵去向來契濶何其多契濶
多談讌少空躊躇成二老

木犀索題河墅詩漫成四絕句非但不似河墅竟
不似詩因笑曰去其似而可矣

茶中芥片菜中蕁別有清芬不世情未審人中誰得似
東籬氣味是淵明

龍眠浮渡白雲巖鼎足三山表具瞻不向此中求作活
劈空鑿出一山添

妖夢荒唐不待圓須知夢哭旦而田漆園蝴蝶原成幻

且讀逍遙第一篇

謝公賭墅古江東歲歲扶筇愛晚楓此日故鄉歸未得

霜林河墅一般紅

吳接雲

字燕士別駕遜庵公之長子也崇禎初諸生少負雋敏有伏犀貫頂之異阮光祿與其王

父黃州公同譜嘗推爲國寶許以遠到與王太史願五同筆硯同人鄉校每試必迭居高等崇禎乙亥秦寇至君與里中士夫籌守禦之策凡十事邑侯陳公輒稱善采納施行桐賴以固順治初與親朋方中論來貢許緩人來惠齊古愚邦直張如三杰敦復英及予十數子共聯文會才名蔚起授經弟子前後幾百餘人臯城有丘接三者家素封將廢著爲業君一見收之門牆勸以力學暮年冥心默坐謝絕交游雅善奕暇則寄興楸枰或出郭攬林巒之勝所著有四書大易遺解百家言然藜閣隨筆諸書

程其相奉常以詩見贈依韻奉酬

六十作間人相看只素心青燈無薄效白首更知音蠻
句曾傳谷軍書正待林感君憐老婦惆悵一沈吟

先大人別駕公生忌

侍奉非無日追思盡惘然音容疑在眼夢寐竟無緣大
耄雖增五彌留已四年清香持一瓣跪進淚如泉

中秋寓白下庵同兄白生邀盛集陶王願五叔士

衡兄函三醉月限韻

水殿潭烟傍晚飛開尊得月影霏微諸天直向水壺出
野衲疑從雪夜歸雙杵長懸楓漸老高雲一色雁來稀
秋風已半催人去坐久寒生欲索衣

贈何醒齋

此心長在五雲邊日斷觚稜已十年策對天人猶澣沐
山名大小是神僊酒中彭澤吟黃菊花裏蘭亭落粉箋
應笑故園籬下客閉門擁鼻似枯禪

李明楫

字叔濟號屏嶺康熙初歲貢生性孝謹事兩
尊人生養死哀備有倫禮伯氏早世與仲兄

仲臣公友愛倍篤明末避寇從陽為賊所獲兄弟
泣相讓死賊義而兩釋之仲氏歿為之撫海藐孤
賴以成立生平制行端方遇權貴人片言不合輒
面折弗少挫遊鄉校數十年祭酒諸生是非無苟
合一時食椹之鴉如其輩皆為歛跡生平教授
生徒循循善誘多所裨益雖貧窶不責其脩脯故
門牆多知名士卒之日諸弟子號踊於堂且請邑
廣文泗州趙君雪徵撰次其行事私謚之曰文介
先生所著有龍眠叟談史論
及屏嶺詩文集藏于家

聖林

胤發玄王祥麟兆素王瑞敷教在虞廷紹興當周季帝

龍眼屈邪續集卷十三
憂萬世蒙嶽降三郊遂禮本東魯全道乃尼山備難叩
靈爽天群謁歸藏地千章檜路遙百頃楷林邃雲闕向
徐兗虹橋臨洙泗崇坊石轉蒼巍殿薨橫翠壙兆兩賢
從古柯端木植歷近三千年代傳七十嗣徑無狐貉蹤
林無鳶鳥萃清虛廣漠遊沕穆淳風被借問至人林何
如王者隧前林車轍稀茲土四方至太牢天子儀芳芹
野人意恍然覩步趨儼若聞提示夙昔誦微言矚瞻思
大義生恨不同時省誰內無愧所幸衰朽質得遂參稽
志悠悠魯道長馬首猶翹企

露筋祠

曹娥溺爲父荀采縊爲夫古傳諸節烈有激乃捐軀茲
烈何所激甘令蚊噬膚委形棄草際芳靈入雲衢姓氏
何湮沒祠峙高郵湖湖水清且長千載映庭隅朝飛巢
林鶴夕飛宿渚鳧古今慕義者憑弔盡嗟吁所慕彼姝
子趨趨行暮途倉皇心不亂寧死不投汙足啟志士心
堅忍與時需莫向荆榛地俛首赴前驅

讀茹檠吟

張田中老師母夫人

黃鵠聲何切淒然感逝帷節成君子志吟發古人思跨
鳳春雲杳九熊夜月遲孤貞千載誌應續栢舟詩

元旦對雪

曙明競獻歲爆竹滿城聲林谷風初起庭除雪已盈農
占惟慮旱子意更愁兵翹首頻天問何時見太平

早春送姚羹湖任開化司馬

雪霽驛梅紅驅車向曉風地臨方夏外程盡暮春中報
最傳三異徵才舉六雄佩刀堪托贈莫讓海沂功

和方臣梅見寄次韻

隱山諧夙願非爲擇隣遷欲學鷗閒叟惜離鯨飲仙衰
愁髮種種癯愧腹便便若惜予岑寂秋池有芰蓮

顏廟

有君斯有相生聖卽生賢陋巷初非遠宮墻恰與連不
生誰卓立不死兩尼宣生死皆天意誰云數偶然

初夏送客歸金陵

湖上風清水鳥飛湖邊春盡送君歸鳴榔歌發芙蓉曲

返徑涼生蘿薜衣同在異鄉情易切相逢邂逅覺難違

白門風景多佳麗何日携遊燕子磯

秋日過黃伯健大來元白故居

憐君兄弟委荒丘忽忽經過四十秋危坐仍存池上石
浩歌不見月中樓朝朝林樹雲空遶歲歲山溪水自流
最是傷心迎客路頽垣衰柳暮蟬愁

遊浮山

山靈乍見若相嗤邑有名山子到遲冬日豈殊春日景
老年方踐少年期豁然名利心都盡最訝乾坤鍾此奇
三十六崑遊未遍令人一步一回思

見故園紫薇花

五十年來桑梓殘荒園猶見此花闌一家骨肉惟吾在
何用花開老眼看

舊址荒蕪舊井堙此花植自我雙親看花泣盡西風淚
歸去相逢夢裡人

何永炎

字升公號方屏邑諸生性磊落好讀書不以
屢空少沮甫遊鄉校卽歸然負重望詩詞皆

清麗可誦予常于友人便面見其歌行才力橫鶩
不可羈繼遂與定交肝膽義氣古道照人因偕吾
友許子綬人張子如三相唱酬卒躡頓舉場數獻
策不收晚歲與從兄三江翁徜徉林泉有終焉之
志歲在己巳年登古稀予爲長歌贈之有曰三江
淳篤古君子方屏卓犖大英雄卽兩公之生平略
盡矣明年冬無病而卒會其子式搏方在苦由不
及搜其全藁僅從舊所貽七十自壽詩採數首以
存崖

七十自壽

并序

予自束髮受書便希進步迨窮年學道罔獲成
名骨匪封侯求射鵬而無路鋒難摧敵捫蝨
之有人荏苒年華今不覺七十之忽已至矣桑
榆景暮又安知日月之尚可待乎鵲突誰憐信
無辭於賓戲蟲吟自適聊致解乎客嘲云爾時
己巳中秋前一日方屏何永炎漫識於樹滋草
堂

年去年來七十春懸弧羞說古稀辰齒崩江岬脣難掩
眼蔽煙花覩未真舊友寥寥空歎逝餘生落落獨耽貧
兒孫階下層層立也學斑衣侍老親

蔬食藜羹伴苦辛蘆簾草閣自逡巡婆心易動翻爲累

公道難言祇受噴牛馬雜呼隨地轉松筠獨抱任天真
風中燭影偷閒日可得年年是健身

悠悠塵網莫明天盤錯猶堅直似弦釋氏本無全世界
道家空有半神仙歸休志羨陶元亮窮老心傷孟浩然
幽思一腔誰共寫白頭終不受人憐

世味嘗嗟濃似醴交情近見薄如雲司空預作幽栖壙
彭澤先爲自祭文花占四時遮眼熟月留三徑坐宵分
嫌身戀世同歸幻厭死貪生不欲聞

自分餘年未有期孱軀歷盡總艱危醯雞那有離酸日
螢火曾無脫腐時陸羽茶鐺聊散悶杜康酒醖覺開眉
此身倘得還賒健重向君平問卜著

春園雜咏

散髮人間逐鹿羣起行常伴日斜曛一灣楊柳眠黃犢
半壁藤蘿卧白雲雨氣遙蒸山帶霧風聲漸激水生紋
江鷗野性休嫌老每到忘機不肯分

槩澗蕭條草盡封亂雲飛起一重重自拋筆硯閒清晝
得伴漁樵此情農卧久不留花已放客來欣值酒偏濃
每思湖海寬如許似我愁無地可容

方尊堯

字伯勳號雁沙崇禎初諸生總角明惠善屬文年甫十四即與予同補博士弟子員長而

長身偉幹鏃礪文行邑屋中推爲質的詩追少陵書法規撫右軍濡翰輒盡數紙雅嗜音律酒酣顧曲又長于填詞諸孫吳陰符之書皆能亂其津涉累困鎖院則抗懷高寄誅茅開徑蔣花種竹凝塵蔽榻惟杜門却掃課子若孫而已居鄉排解紛難有陳仲弓王彥方之風義聲煽遠邇族有累代寬

音目屋牙糸集卷一三
役公捐數百金奮臂出死力以免創置義田鑄譜
建祠宗人賴之所著有親園集杜詩集註蕉堂明
詩選唐詩輯韻百餘卷卒年七十緬昔已巳之冬
同入鄉校者八十有二人今六十二年矣晨星落
落公又捐館舍去屈指入十二人中惟子倫存視
息歸然一魯靈光耳錄公詩而不禁感慨繫之嗚
呼唏矣

飲菊花酒步韻答仲友韋文

記酌籬邊酒而今菊滿叢年催頭上白霜染樹頭紅寒
鴈秋聲劇孤燈客興同一尊遲二仲清入夢魂中

送胡壻樓孫讀書山中

環山君舊業曾作卧中遊劫火灰精舍崇臺半古丘徵
書窮二酉塞幔飲三騶曲水如堪泛期余棹剡舟

寓祝聖寺贈月起上人

賊氛頻我迫浪跡寄雲門入世多岐路逃禪亦業根家
山嗟已變鬢髮悔猶存小閣須虛座留余一快論

遊城山

帶病尋幽隱溪山到眼明讓人談佛法除我聽泉聲絕
壁原難上苾鞋自可行不知前路遠身向白雲輕

登茅山絕頂用兒輩韻

履險窮竒峻風霾變曉晴山光時隱現江影半分明童
戒匏樽重僧遺竹杖輕燒鐺爭掃葉扶醉藉人行

步韵答八公禕日見懷之作因訂同歸種鱗

飄零一劍未依劉望氣空傳帝子洲解禊臨流懷僕射
談兵坐雨夢虫尤搜竒有管還窺豹叩角無書可挂牛

音目屋牙糸集卷十一
珍重明珠歸合浦心期莫易向人投

春日借蕭卉仙飲元渡舟次得烟字

春江嫩綠晚生烟慣飲茅柴醉始旋芳草清尊相掩映
桃花人面兩爭妍但開青眼逢知己更問黃壚有市錢
却憶干戈滿江甸阿誰同泛五湖船

步韻答吳亞侯

漢家名隱亦封侯不羨南冠御絳騶飲舍何嘗慚犢鼻
釣臺誰許問羊裘投壺韻絕三公閣散帙風清八詠樓
爲訂高山偕謝朓携將斗酒博涼州

送王子蜀隱之長安時年各五十矣詩以勗之

燈火連窻廿載前每經離索倍潸然眼中陵谷竒如夢
開裏焚持靜似禪出郡好停三日棹還家共覓五湖船
一時兄弟慙余長未必知非自此年

病中懷萬淇園

茂陵風雨苦綿綿輾轉依人夜未眠白榻仍懸松閣下
青囊不挂草堂前抄方各與長生訣祛病愁賒買藥錢
乞飲桑君承露水駐顏何處覓神僊

懷壽族子唯

匹馬衝寒下蔡城驪哥歲晚不勝情那堪春雨連芳甸
却怪長途滯遠旌華表幾年歸白鶴雙柑待客聽黃鶯
廢書懶癖吾何事三徑應爲二仲迎

送姚黃門龍懷赴長安

音日風雅集卷十三
廿載心銜鮑叔知綈袍曾不異當時驛亭春色濃如酒
橋畔長條細似絲名重東臺山自震澤淡南國口爲碑
行從上苑看梅發可憶寒巖寄一枝

廿四夜同成兒宿江干別墅

咄咄書空笑此身棲山傍水若浮雲可堪卒歲爲羈客
直到閉宵得苦吟髮染二毛羞看鏡烏啼三匝怨離群
挑燈共汝敲陳句濁酒慙勤對古人

登浮渡值雪雨宿會聖巖歸途漫賦寄示意生上

人用兒輩韻

訪舊看山共此行蒲團信宿夢魂清定中漸契安禪意
老去偏濃出世情巖竹更因風作態隴梅似與雪爲盟
漫將黑白分碁子待我重開石上枰

憶文兒遠遊

一衲飄然思出塵闍黎傳語淚沾巾那堪穉齒爲羈客
何事傷心背老親行脚恨余牽世諦業緣嗟爾墮前因
瓢囊一樣分吳楚覺路迷途總此身

與朱祐愈夜坐論心飄然有出世之志詩以訂之
好懷終日被愁牽兀坐愁深似懶禪半日餘閒貧受用
片時清靜佛因緣將聯白社無僧伴欲買青山欠業錢
寒共一囊飢共鉢孤雲縹緲萬峰巔

孟春登趙壁山歸示兒輩

塵勞碌碌不能刪乘興登臨一破顏衰病性猶耽淨業

迂疎情合老淡山拈花却憶雲峰笑聚石如陳弟子班
收拾陽春成麗句贏他開卷但緘關

爲彭子朗悼亾步李芥須韻

泉局淡閉幾曾開無路招魂薦野萊寶鏡影單驚折鳳
玉簫聲斷獨登臺蒲牀坐雨難成夢城角吹風聽轉哀
颯颯疎檣粧閣冷一枝惟剩壽陽梅

感懷贈內

啞啞烏啼月影疎一函殘縷半床書提罌出汲卿何讓
滅灶重然我不如節未驚寒先置纊庖無異蓄但儲蔬
徑荒休問求羊侶寂寞江皋掩敝廬

旅夜書懷

空山獨夜絕纖塵客夢無端記不真隻影自憐寒骨在
雙眸錯與古人親課兒頂鈍聊蠲俗學稼田低半未啣
麥飯一簞茶一碗清貧亦自有前因

和八和尚七夕四首

雙星月下註竒姻雲雨年年一度新自是人間多密誓
驪山宮外訂前因

千年桃實未經鋤持贈君王事豈虛漢闕只今多博士
不疑青鳥再傳書

玉絃何用挂金弧射得攬槍落也無幾爲良宵頻極目
占雲望氣總成虛

明潢清淺夜涼多曾說乘槎此地過留得支機仙石在

可堪重泛到銀河

和且易七夕 二首

藍橋一別遠相違因觸寒風促錦機送客朝來攜玉杵

計程應向月明歸 時送湯開美南歸

挹盡江淮不洗愁幾年占象起旄頭艱危未必人間事

河水當訝慘不流

龍眠風雅續集卷十四

木厓潘 江蜀藻輯

徐

翥

字羽先一字半僧邑西之橫山人家貧力學

崇禎乙亥避寇寓池州為劉嶧桐吳樓山兩先生

所賞識觴咏與俱少有志乘牛讀漢書可以想見工楷

緣跨鳳隨秦女有後學指授書法有持筆素

書行草晚年入城府為小兒輒應之同人方還山巖鄧

來乞者雖闖閭間小兒輒應之同人方還山巖鄧

薑庵森廣李芥須雅李石逋銓咸樂與之交自定

煮字齋詩集劉嶧桐會為之序比諸義山飛卿之

間不惟羅昭諫一流人物又檄同志募資鉸板事

雖不果前輩汲引之雅具見一斑垂老又刊其二

集未及印摹已疾不可起矣年八十病且篤自築

壙于所居之側題曰詩人某之墓為鄰豪所踣復

樹之迄為病所苦憤不欲生效盧昭鄰踵汨羅之

潛矣

雪峰

空霄一柱挂寒玉削玲瓏白放仙人掌青開處士筇孤
情天可問蒼貌日難容崖畔冥趺者吹來夜半鐘

新柳 二首

檀暈工春嬾烟盟睡画客水天標異質妝閣熨纖濃夾
岍籠鶯醉長堤送馬慵勤辛爲折贈遠黛已雲封
淡淡修眉較昏鴉不淡棲潤條招繫舫遲雪恐沾泥彈
汁春袍艷流烟画閣迷綠尊紅袖舉差及小蠻笄

春園感懷寄峽川劉伯宗先生 二首

青帝飛光遍大荒花禽漏洩意何長懶鑄石匣埋龍劍
羞問隄裏豹囊謝去山河終絕念貪來日月藉徜徉
餘生禿髮悠悠想底事惟消升斗糧

桃笙休滑游仙夢藤杖支離歎病方鶴坐苔衣憐骨瘦
鳳翻桐葉隱聲良寶奩空畫青螺黛枯枕淡畱白醉腸
已買水晶珠一串從僧朝夕禮醫王

蒼峽清流靜者幽笥中十賚遠爭投酒逃詩隱青岑老
月臥雲遊紫氣浮司馬琴聲過大澤陶公野服坐高秋
著書只了當年事一代興亾在此收

度熊嶺

短布策藤寒空行歷步安虎鳴風影黑鴈過葉聲丹囊
錦秋方滿衣雲午不乾倦逢山下叟說盡此山難

輓吳樓山

草廬獨問漢家春當代難甘尚逸民大業空傳畱血字

龍門廬新集卷十四
餘生不認黷烟塵石城重勅將軍印羸博誰收季子身
念昔徐君曾愛劔練衣先得弔青萍

寄陳穆如

春殘無子過忽忽又經年成就嵇生懶空傳草聖顛綠
平飛夢日青長落花天履跡窺村市何人贈酒錢

秋日歸里別姜元厚留宿齋中

拄頰西山送落暉當年心事與時違布袍長劍將歸里
雞黍冰厨欸素屏蓄硯懶磨鸚鵡瘦藏書不讀蠹魚肥
別君履跡黃花圃應對寒空數鴈飛

寄匡廬諸衲友

五乳余曾過懷來春已徂涸鱗難寄字歸雁屢辭書隱

讀資山力安貧與世疎晚風能散夢吹不到匡廬

見梅

九十春情洩一枝招搖老衲問清竒尋常花事偏宜酒
今日梅來定借詩素女夜歸環珮落主人晨供茗香持
孤山處士蕭疎味放鶴亭前月映時

雪夜偶賦二首

竹梅相守歲寒廬老友終年是古書涕淚授官何處覓
麻鞋旋著又旋除

收得名花弔冷魂夢翻白浪大江昏分明夜省雙親塚
哭對青松守墓門

問吳嘉賓近况

前則處雅集卷十四
念不常相對知君隱峽川勝情畱野服高興訪秋田詩
自無聲合書從有象傳居停非昔是客寄減厨烟

青城寺秋晚

雲浪棲空晚欲移松烟尚研笑來癡黑貂有隙寒威早
黃葉無聲霜信遲茶自洞中烹雀舌月從天上畫蛾眉
風流餘我山陰筆換得鵝群隊隊奇

石點菴秋居

纔知土室奉維摩蕭放清臞肉累何絲鬢短吹黃葉下
緇衣畱住白雲窩松風縹緲仙翁操秋水滄浪孺子歌
數點茗花傳鐵鉢淡宵托夢到三峨

秋浦兵解送楊蘭似潘次益諸親友歸桐

醜酒江干盡別卮他時雲望遠相期吾家近宅秋潭上
亂後煩君說在斯

和劉伯宗先生沒後降乩樅川寄懷仙韻

有引

甲午正月初九夜霜嚴月苦余篝燈快讀倦遂
就枕夢先生霞裾野服曳杖蕭騷扣門相訪揖
坐後風流文采宛若生平喉嚨間覺仙氣勃勃
也頃餘携手步屋後山相賞松石俄而雲花萬
派漸成傑閣先生便拉同登閣中白板崢嶸題
萼綠二字案列圖書玩好無異舊隱吟窩余言
萼綠華乃仙人名字何貯空霄先生云此非仙
境耶青童治食玉女傳漿摘梅相贈他日當共

君讀書於此不復再語及覺時疑仙耶人耶夢
會耶面談耶生前耶沒後耶皆不可測也比誦
少陵夢謫仙故人入我夢明我常相憶之句逾
旬日有函書來報傳先生是月十二降乩樅川
鄧倬生齋中縣書沙上筆勢精妍云諸君與我
羽先交在忘形今小詩可代寄之句雖警策皆
實錄無虛衆友駭異拜求姓字不答只云彼但
寄去羽先自覺然則前夜果相過憩也復供棗
糕酒菓願乞仙名遂書劉伯宗三字飄然而去
自是一時艷傳都鄙皆異來詩有煮字蘇文今
可刻當先生在日親製募刻余詩小引及絹幅
詩箋手澤猶存奈歲歉囊澁梓工莫辦雖知有
待擬先生沒後猶有未了之衷緬想仙凡依韻
以誌

桃花哭送柳車時敝匣常開贈後詩仙篆已登香案籍
靈乩猶問故人竒簫樓曾伴黃花酒雲閣今分綠萼枝
化鶴歸山貧道士年年清對一窻梅

秋雨偕許綏人潘蜀藻劉爾雅齊古愚張如三飲
張夢敦遠峰亭

漫言秋飲不如春紅葉亭臺萬瓦鱗新雨移尊俱听憤
寒花分艷欲依人才名先取當時價詩况何嫌到處貧
此夕此朝論聚首暫將踪跡寄疎筠

山居 四首

蒼石疎林寄一椽
土牛鞭盡始知年
梅花開處村村酒
柳色迷人樹樹烟
曳杖臨堦聽社鼓
移簷就曝損苔錢
春祈好是吾家事
細雨扶犁種墓田

祝天還我去年春
消受鶯花二月新
攬鏡久知疎劍術
賣漿原只爲家貧
欲窮海外三峰雪
遍洗庭前萬竹塵
自墮苦空垂老境
萋萋薇蕨寄逋臣

桔槔聲倦綠楊西
戲雨平湖吸斷蜺
映日藻蘋花鴨睡
迎風桑柘午鷄啼
園丁犂犢全分力
菜甲瓜苗一樣齊
憑弔古人那得似
玉溪昌谷有誰題

醒卽看書倦卽行
繞圩常聽水田聲
蜃腸已罷樓臺幻
鶯舌空調鼓吹清
夢破白雲生有恨
心回芳草怨無情
老農近卜陰晴準
穰稔新抽十畝盈

法華菴觀諸衲禮懺

古道入招提
春尋好杖藜
僧枯茶性潔
香篆佛眉低
挂衲千松冷
回鐘萬竹齊
等閒方外侶
同此卜幽栖

雲

白雲出峰根
雲亦自斟酌
懶則抱松眠
散則潛溪壑
依僧人寺門
隨杖登仙閣
君不見飛來
飛去遶山腰
今古何曾到
城郭

宿明珠菴

谷中閒日月
遮莫度年光
水碓春雲白
山中畏霧黃
掃

前賦風雅集卷十四
塵清鹿砦畱夢滿僧房不繫浮生履秋宵在上方

竹枝詞 九首

綠樹紅亭隔岼招弱肌無力鬪風潮不知今夕成何夕
半女先先度鵲橋橋上

原自嬌多酒力微當筵能競叵羅飛沉沉獨抱春衾醒
不識何人爲解衣沉醉

懶蝶無情采暮春倚釭刺出鳳頭新儂身願作燈心草
夜夜開花照美人夜繡

更深凭几閱南華侍女研珠立絳紗寶鴨無烟書自冷
天風吹月上梅花夜課

名園好結社齊雲二五青娥綵袖分蹴破春蓮金鳳小
往來不動紫霞裙踟躕

鸚哥喚起近妝臺手撒烏雲委地開何事欲梳猶且在
畫眉人去未曾來曉妝

剪就吳綾宮樣鞋青青蹴破印莓苔飛花莫住榴裙上
恐惹遊蜂驀地來踏青

桃花扇底暖風柔檀口新聲字莫愁怪得曉雲吹不散
海棠花下按梁州善歌

瘦却容光減盡肌藥匳推出理殘脂回思一種慊慊苦
那得郎知只自知病起

沉水香消午漏遲綠窻閒畫好彈碁局殘不盡仙仙意
聲出花宮子落時圍棋

大雪潘蜀藻務滋橋梓過宿草堂時尊人歸空西

灣

蓬門通雪意相過擁寒麻剪燭分紅淚停杯詠白華村
荒焚積葉梅凍未開花掬土時增墓君其感歲奢

秋郊用陳大佳起句

郊外尋秋秋滿郊白烟迷屋覆重茅溪回返照村春落
石斷疎陰鳥路交咫尺山川分太古叅差雲物有靈苗
緣知夕秀衣裳薄歸去新詩好共敲

秋夜潘蜀藻招同鄧顛厓小飲

聲光原托在編摩曾擲吳燧幾度哦鴻爪香泥春有迹
秋心潭夢夜無波且邀北道燒燈醉莫唱南山種豆歌

我藉同人圖一聚當筵豈惜舞僇僇

秋閨寄蕩子從戎

一年銀漢一回槎誰似狂夫不憶家耐可從軍穿柳葉
何如其妾采蓮花乍聞牧馬陰山畔又說移營瀚海涯
莫是受降城下過酒姬畱客醉琵琶

預題墓碑二首

剩有千年土曾無百歲身好安詩字鬼領奠紙錢人雪
月梅花夜松風草樹春空堂間自咏誰氏足爲鄰
柴桑元自祭表聖預營窩黃鳥吟魂和青蠅弔客過半
崖荒蘚合一陌雨風多挂劍知誰到長眠當睡魔

附方還山先生詩

徐公真達者墓石自看磨表聖營生壙泉明作
挽歌龍眠雲氣遠練水夜光多千古詩人字高

風罩薜蘿

歸橫山寄還山顛厓兩詩壇

橫山雲接北山雲別後無思不是君任俠仍推豪士賦
居貧難卻送窮文茶牋每帶圖經註酒德閒將佛偈分
更快汗駒淡踐雪名場歷塊有蘭筋

重陽陳綏四集飲滌岑

一樽秋閣爽招得衆山來白髮無情短黃花作意開詩
因癡骨傲貧愧友生哀高會逢佳節何緣不盡杯

鄭介繁携酒同祝山如齊然四郊外賞菊

水浮雲氣竹分幽招得同人盡日畱籬有黃花方載酒
野無紅葉不成秋溪聲遠下沉餘響夕照光搖影漸收
底是性情閒筆墨頃時圖出古風流

雨後同左峙庄張我思遊龍眠

老憶龍眠得得登暑風清路信枯藤狂濤怒瀑峰聲下
綠罨紅香雨氣澄林外忽逢沽酒客石邊閒坐看雲僧
晚投烟火寒廬宿夢挾公麟一夜燈

春閨二首

繡針無力度花英閒倚薰籠春事評蝴蝶有心能化夢
杜鵑雖怨不言情

櫻影重重上鏡臺啼紅偎玉一回猜金釵打在雙鬢背

龍門風雅集卷十四
何事開簾燕子來

春村二首

老嬾成何濟居貧戶不扃村鷄鳴野白山鳥出林青鐘
杵聽晴梵田冠坐曉屏開函懷往事含淚灑新亭
春雨廉纖暗霏霏墮麥花土膏蒸菌濕泉脉長雷芽日
穀生犁下群鵝散水涯搔頭無寸髮但少著袈裟

九日蛟臺同吳爾默登高

老去身輕如燕子顛危直共與雲浮逸情顧我隨高下
幽事因君且逗遛指點潮平峰映水縣知霜近葉辭秋
歸來還醉東籬菊破帽相看尚在頭

贈柳源老衲

遺世真無事心閒自看花白雲籬下物呼出護袈裟

冬日

愛此閒身在龍鍾倚大椿枯心百歲血禿髮兩朝人撥
悶開封釀防寒積腐薪咏懷高阮籍淒切以全真

題張我思涉園

舊說書藏萬卷樓平泉花石到今幽春催綠竹公然筍
露浥紅葉不忍秋客影半從簾外得天容多在鏡中收
詩成午後茶烟歇滌硯還當就淺流

鄧山偶索題白家老婢圖

一首新詩一餅金當年聲價重鷄林柳腰桃口稱雙艷
不及爐頭老婢吟

龍門風雅集卷十四
題劉超宗溪莊

選勝龍山北，溪莊借數峰。
斷崖懸瀑水，汲澗洗梧桐。
詩就王維畫，鑪炊陸羽風。
午窻秋睡起，禿鬢補高松。

次貽孫雨中移蕉韻

分得琪園數葉清，綠天猶是雨中莖。
看君蘸滿如椽筆，醉聽淋漓潑墨聲。

清明飲夏紀人別業

花柳望村村，龐家祭掃晴。
割鷄豐午饌，歛燕作春聲。
畫幅山川影，草堂詩酒情。
頽然謀一醉，各自抱平生。

子規

春去一聲低，千聲花似泥。
縱多亾國恨，莫向此山啼。
木

自懷巴蜀何須過，洛溪更憐烟雨夕。
不斷竹林西

遊龍岷踐方壺成之約

群峰來杖底，聯步走紆途。
臨畫思前輩，看山讓老夫。
紀遊編歲月，招隱到仙癯。
刻竹畱名姓，知余興不孤。

賞雪

狂雪長空舞，飛花罩短籬。
素華明淨几，清韻潑寒卮。
木脫人烟聚，村孤虎跡遺。
催詩風片緊，得意灞橋時。

送楊古度之秣陵授業

髡髮朝寒寶鏡知，行藏雖異共年垂。
註書多半開人慧，問字因之解自疑。
孤櫂野梅江路早，輕帆細雨秣陵遲。
六朝漫說搜名勝，技淚何時讀舊碑。

新春

平居愛寫和陶詩三寸黃柑佐歲卮昨日立春今日柳
梅花又是隔年枝

重建梵天寺東暎徹住持

古佛西來聚一丘也依次第住閻浮高標雲外三千界
省發人間百八愁優鉢拈香清侍者戒珠瞻像老堂頭
松風忽送潮音轉遽出鐘聲報晚秋

坐菴亭偶憶方有懷山居

不見白雲箋寒溫各未傳欣逢懷異日作惡動經年韻
事林泉業平情香火緣遙知閒杖履詩就夕陽前

新春方還山同鄧田公枉駕草堂

不辭穿虎徑一度到貧家熟釀山田酒聊停文士車擁
爐煨榾柮燒屋看梅花始信過朋好春聲動早鴉

春暮寓沙園

百舌高枝鬧午眠輕風輕雨薄寒天殘春花落時粘屐
承夜衣單乞贈綿燕壘香泥圓比屋荷浮新葉小如錢
池塘有夢生佳句懶向詩情說暮年

村夏

力食歲難週荒廚望麥秋捍堤梅雨足十日稻梁收警
夜常呼犬躬畊自飯牛短吟高柳下清散一庭幽

辛亥九日

輿情何敢說天荒乞食無門問酒漿且晚葛巾蕭瑟甚

莫言今日是重陽

喜雨 二首

繰車蠶箔卷雲絲
松徑樵歸牧到籬
大婦催嘗新麥酒
山翁夢醒北窻時

稻花萍葉隔溪涼
風約柴門五月香
鄰女綠窻身倦後
畫眉聲裡繡鴛鴦

舟泊梅渚同漁翁夜話 三首

澤國疎梅晚著風
扁舟藏岬有漁翁
釣竿閒卻絲綸手
那得魚來繫酒筒

紅蓼灘深白鷺饑
蜻蜒叢立舊蓑衣
十年一度方過市
懶向人間問是非

翁意求魚我得詩
柳絲微動月如眉
舡頭殘火依然在
自檢乾蘆夜煮糜

約劉貞士見過

卽盡來書意其如心口非
貧稍能固守動則有危機
逐夢明前好愆期
恐後違烟扉倘不值跡我釣魚磯

俠客行

生控驂騮走狹斜
剖明恩怨不曾差
腰間解下千金劍
一擲青樓臥酒家

村秋

清香燕寢遁頑身
瓜架勾藤碍葛巾
一卷殘書牛角穩
七斤破衲杖頭塵
野花自發欣逢地
好鳥來鳴不避人

前明周鼎編集卷一四
刈後稻孫山雨足平疇交綠亦懷新

阮宜百出掬亭稿見示

研活松烟紙上行還他詩癖問生平夢回午枕風初落
禪曬長竿雨乍晴羽客籠鵝來換字散人欄鴨自呼名
秋江莫讓芙蓉老畫舫蘭卮有弟兄

重陽過潘貽孫

目送飛鴻過落暉情同栗里興何違可憐此地無黃菊
空望前村到白衣

人日

七十還加五春行歲在東愛眠來夜短買卜問年豐月
瘦梅同白田燒火自紅老夫安拙久起拜不能工

寄樅江姚揆采

青峰隨意選江涯衣帶風儀各自賒隱士小山招桂樹
伊人秋水咏蒹葭畫成林月將完影筆補荒畦未種花
幾度看君騷屑甚欲從天際挽明霞

初夏試茗

蝶伴花來夢一床茗甌醒汎雨前香評詩不及黃鸝語
字字清和下綠楊

雪中潘木厓惠芥片一餅詩一篇賦以奉酬

世傳香草惟蘭芷何如茗柯涵妙理陽和春暖發槍旗
產地須佳名自起况是吳興芥塢芽廟前廟後俱稱美
陸羽盤旋茗雪間常携爐扇酣其髓青鞵布衲訪名泉

晚年何事茶經毀山家正爾雪紛紛蒙頭已覺無他技
傳說安仁書寄來逐行諦視情纍纍遂支瓦鼎煮松濤
芥味同詩香沁齒武夷雲脚似清竒幔亭枉戰桃花水

陳

昉

字朗生自署石舫老人世居樅陽之上鎮少負奇氣不可一世受學于白安石蕭書璞兩

先生雅非其好既不得志於文戰益博覽縱酒自適于詩好李長吉徐文長于文好李卓吾諸書喜為詩多自撰造不循恒格亦有昌谷之風宅後故有山石磽确踞其左公毅然鑿去之半壁削立即其傍構軒曰石舫內為魯仲連李太白元次山黃山谷王文成五先生位祀之嘗遇流賊被執砍之未殊賊去復蘇後二賊至眎之曰陳先生也疾以藥傅其顛得不死嘗夜飲下鎮大醉歸中道素有魅惑人家人驚問故曰一老人執炬送我來急踪之無有也家雖貧顧好客喜急人之難時置酒石舫召友侑觴能豪飲至數斗不亂所與遊客既得志則謝絕不復通性不喜貴人又厭賤市人以此人望而避之年八十一卒自為墓誌云平生所嗜山水詩酒風月閒靜而已自題其前和日閒翁石舫老人之樞其行實詳錢田間先生所作石舫老人傳中傳古朴跌宕酷肖龍門然為公寫照頗上三毛不啻矣有三子高瑜度高狷介素與予善度詩畫書法有三絕之稱亦不喜近貴人厭賤市人殆得延之之狂者與

貧女行

孤嶼有貧女藏形在蘭阿蓬垢不為顏裙襟剪密蘿年
年畏人識公子胡渡河倉卒悅異姿甘唇索婆娑隔面
強相歡顧盼發清歌蛾眉心感激念此忘干戈敢願永
相託艷君腴綺羅倏忽情態變蘭嶼視沉波顏色猶昔
皎脂膚棄黿鼉洛神憐皓魄眾庶作妖魔女性固不搖
因貧輕賤多

醉臥圖

龍門先生集卷十四
一醉三日臥夢覺似龍眠君如画醉圖筆鋒醒處偏紀
年六度十紀醒百零千年少迴臥花花褪興踟躕壯年
努力醉富貴吐腥羶歷歷踰五十始被聖賢鞭酒誥落
筌諦酒頌亦纏綿醒醉有時命坐臥豈狂顛歲序能幾
醉醇飲得幾筵罵坐必安劉避詔自臣仙安得紀叟鄰
佳友中山還俗席苦見招胡馬渴飲泉三日浚所臥臥
中別有天爲辭世上人薄責恕逃禪

蕭卉仙出遊詩

宦薄珠崖重聲屹瓊島扼激愧素交人捐軀獻丹策素
交激不憤錦衣歸畫宅惹苴生嫌猜綠珠數珍易航海
羞仲堅執拂矜名赤主恩旣見酬琴心未易釋白頭回
相如紅綠縮霞碧可憐陌上桑憔悴春風寂秋郎縱惠
枉顏色已非昔廣閩路迢遙湘妃弄江石去來失萍踪
夢魂常咫尺剪織厭君聞瑣碎取君斥有子得君憎有
衾令君隻新人如花貌况值風月夕浩蕩海梁寬天地
一室窄飄風東西至雙星鵲橋客會歡乃前期別離只
一格湖水偕嘉魚亦妨驚浪拍錦水羨文鴛戢其左右
翻汎汎子乘舟半分西施席所憾同心侶如何千里隔
主明猶用諫友智喻在奕君手著著竒不如終局益渴
飲患豈成墮樓愁難釋渙散妻子淚田園荆棘積偉然
傑丈夫咄哉艷枕席性命由美人烟波迷水驛

蕩心傷贈遠

前明風雅集卷一四
湘帶繫裙湘水碧蜂子酣花心作蜜玉萼紅英隔牆艷
長河娥底拂春餞心傷破國何樂此綠橋波橫送江雨
移書青帝緩點苔輕蓉夾袖紗未裁

飛龍破屋歌

黑雲壓嶺奔潮浙虎嘯風生泊水雪巖屋斜傾亂捲茅
蛟龍奪我丹山穴圖書琴鼎盡枕流峭壁落石如噴鐵
穉孫猛力奪支撐手推明電目拒徹天公天公降予厄
昨夜虎窺書今日龍漂宅皇居帝都胡不爭爭此磊落
書生藏舟望氣之尺席

遊俠篇

當年幾個奇男子扶餘一姓差可數君畱退步作進步
跨江橫海十萬戶龍蹲虎踞好河山島曲銀波雪斑爛
虎未生風龍待鱗且結蜃樓凌石城聞君一息命呂駕
東到日邊西到華雁翎秋水芙蓉浴紫氣綠光霞彩觸
不衫不履是何人圯上兵書授未曾知君獨上星臺望
四星聚柳光復興妖日控弦畢落羽賜谷扶桑枝上舉
滌洗塵氛羶血清潤澤周霖咸陽雨我如竹下王子猷
不須禮作主人酬興來自命下澤車漉酒應乘一葉舟
春風澹蕩花枝舞曉麗旌旗沙嶼鼓水消錦水樓櫓頭
暖漲桃花蛟龍吐爲裁滿篋春潮句風雨驚濤爭不去
可有珊瑚五色明投我木桃報瑤瓊男兒定計安邦國
豈同富貴鬪異珍

送錢孝綽移居

春江夜漲吼蛟龍雲澤飛移瓊玉峰湖借郎官傅姓字
星分牛斗築芙蓉書倉堅壁竒攻守芸閣高深私辟雍
少綠芊開爭結瑞石英麟氣避詞鋒池矜綉譜鴛鴦伴
樹學新林楊柳風簷案顛顛因劍舞朱絃徽度應黃鐘
天嬌明月隨杯落燦爛烟花夢筆濃荆棘叢迷虎豹
銅標斑剝石重封知君流寓名山遍我欲看花幾處逢

秋山吟

西山雨足走南峰水雲之致淡無窮千嶺乍開橘烟森
一樹一樹秋葉紅寒蝶近人飡英落高天鳥去脫樊籠
芝函仙石承釀露蘿攀稚子學騰空散帙渡尊清嘯月

荒鷄起舞快晨風勞勞運甃成虛事試看橫江網索中

蘆花歌

因想此夜期何杳彩焰結蘭會窈窕蛾眉倩盼擲星梭
琴出泛絃音細小半解羅襦待景陽春光消漏花陰悄
紅脂在口香嘗唇雉雉一聲窻上曉

飲鄧東老去後獨飲步楊誠齋先生月下傳杯韻

明月催人把杯急月泛空杯唇未入杯起晴嵐月入來
月色微微花露濕我藏斗酒待君傳欲飲不飲靜無言
杯傾河漢帶月吞酌君不見月在天怪有羽鶴翩舫道
影落金卮月一團銜杯咏月相思發月愛詩新華雲潑
杯澗月淺音律成翻潮震海辰星驚莫嘲老夫減氣骨

長立冰雪獨醉月

落花

花片織茵幃組綠香晴風態佩新簇沉浮蕩空如蕩水
舞筵依袖還抱蕊爲惜紅顏泣露華澍烟嫋嫋吳宮娃
浴淨燕脂鮮褪臂鎖窗幽鳥啼猶膩

月下讀騷十四韻待戴無忝不至

湘流瀉注鏡湖澄連雁征嘶帶楚呻佯月畱人歌艷曲
清光何意照孤臣郎星夜燦傾詞峽菊圃叢香侵嶺筠
三絕韋編延孔易幾更刪定讀王春冥分芳潔茹蘭氣
遙接岷江觀洛神學究累冬吟苦足雞壇午漏徹宗因
漢河澹日疑天日放逐沉浮問水濱獨撫素琴絃意靜

閒澆壘塊醲醑新禰狂屈怨同騷興嘿記桃源憶失津

春月

薰風二月夜如秋漂儂石上蘭葉愁輕容涼淡掠銀鈎
晴嵐碧氣霜花浮書室夜聲雲不流簡編獨弔招魂愁
娟閣靜好恣玩遊金魚雖佩辭封侯

寄望華亭習靜者

晴摘九華蕊瀑竒五泄中簾閒花縱雨几淨鳥書空潑
墨雲歸磴敲詩月度峰希音自足貴天際一聲鐘

除夕雪盛

節除歡雪夕舞鶴擁華筵窗白梅分韻鬚霜燈帶妍稚
兒敲好句闌夜惜芳年柏葉須成頌春邊花事鮮

夕陽

和戴無忝五首

長安西望嶺雲殘，斜柳餘暉縮玉鞍。
巫峽漫遲暮雨約，赤城孤映落霞寒。
晚風吹起關山月，遊子愁生行路難。
最愛指戈揮日轉，踈林端挂一輪看。

螢火

細雨茆簷沾濕紅，踈星搖落入簾中。
鳥驚花散窺藜火，月暗珠零點綠叢。
團扇怯來依釧舞，青囊映處照梁空。
流光輕度珍餘影，林下池邊趁晚風。

枯樹

豈是凋傷不耐秋，自成仙骨別凡流。
空中玉樹憑風舞，枝上浮花一水漚。
寒谷懶分桃李艷，霜垂似結雨花愁。

曾看采石虬龍禿，朽處尤堪作画鈎。

秋水

雪散蘆汀鷗鷺平，過鴻送影落秋聲。
錦江濯句吹紅葉，明月畱情蕩白萍。
一色長天霞櫂遠，生風織手織紋輕。
芙蓉露下催妝鏡，宛在亭亭弄玉笙。

落葉

聚散何曾惜別離，春來曾發上林枝。
紅愁綠慘悲顏色，妒雨催烟傷暮遲。
蘆白一從風縱雪，楓黃不減蝶翻池。
寒柯難定栖烏繞，踈墜梧桐星漢窺。

中秋夜同水厓諸公分韻

塞雁初征落葉紛，夜深香霧桂枝蕃。
皎看玉女衣翔雪

音韻居形集卷十四
圓對幽人影共吟別鶴淒涼袁粲舍霞帷爛熳武夷村
浮雲莫翳書臺月寥廓千秋只此樽

水竹居晚坐

近水樓當晚風牽菡萏香夜待湖心靜招娥下月涼

過荒莊

久廢雞豚社荒吾桑柘杯慙勸農父護此數株梅

夜權

江樹映秋月清風徐權時吹香尋采女沽酒問漁師

團扇

明月投懷抱清風拂簟塵熱時常握手秋至莫涼人

曉香

早上曉香臺香生葉底露白石滿紅英薔薇出高樹

中秋偶感

栖泊湖心欲定禪停雲知是過歌絃幾家離別牽思苦
可向中秋看月圓

九日

百年高處登幾度况逐秋花風雨愁今日晴開千里日
碧空天際見江流

春遊

春堤一路踏花叢馬首香風送夕紅人在玉樓歌白雪
黃鸝淡轉綠楊中

有感

龍門風雅集卷十四
輪却黃龍幾十霜
淒淒芳草弄珠江
圖書不錄英豪字
環帶如今盡棘邦

石舫春

雲巖花萼覆幽篁
俯吸江流剖石藏
峭壁獨深苔蘚綠
年年春雨濕泉香

方

遷

字子安建寧令君周先生之冢孫誕生時值建寧公徙新第四以遷名之少負美才穿穴博聞彊記才思如風發泉湧顧以清白吏子孫兼喪亂之後家故食貧嘗負笈從師至無以資脩脯母夫人歲晚脫簪導不給至鬻嫁時櫃以佐之母夫人吳遜庵別駕公之賢女也子安以筆耕養親嘗赴瀟山友人徐公悅之聘至其家塾與瀟人士及桐之授經于瀟者互相唱和有方字一韻七言律詩近百首各肖其人悉其平生語無重複文不加點陸孝廉燦杜隱君元凱見而悅之為說項于郡司馬余公余故楚人與杜君善因屬其索所著

書子安喜得知已冒雨走泥濘中往獻之為門者所厄歸而中寒疾作遽失明遂視髮浮山華嚴寺為僧受具于青原之高足山公易名法遷字學青冥心內踞證無上菩提于錄于安詩愛其四十自壽和陳聲叟與于百韻叙其家世行藏略備故特表而出之至其天在偶吟與為僧後焚硯草皆清麗蒼老鼓吹吟壇已鏤版藏于其家儉于錢資殆美不勝收云

四十自壽詩和陳聲叟潘耐翁兩先生百四韻

有序

遷有志難伸何天可問營營筆墨笑送窮文裡
才華落落聲譽著乞米帖中冰檠讀書期有用
自廢何堪生我豈無心良辰安在才慚史氏空
教疾類丘明交盡名流竊幸心如張籍畱神吟
咏絕意窮愁滿匣富新詩不問茂陵四壁長歌
時放醉寧須待詔三升顧歲序遷流而頭顱老

大遲伯玉知非之日屈指十年憶宗生破浪之
 言灰心萬里此中情事不盡低徊用是叉手裁
 詩何妨撚鬚學步不嫌魚目混先達之雙珠也
 效蛾眉悉生平於五字挹元龍之清韻容登百
 尺之樓傲潘岳之閒居豈重二毛之感蓋遇難
 合轍人各有懷敢居變豹之林不避續貂之誚
 叙家聲於奕葉謬托書香述巧盼於交遊情淡
 蘭臭如茲盤錯肯切歛歛率意狂吟兒輩授韻
 言之次代書潦草朋儕訂魚魯之訛用質同心
 猥當清翫俚言既悉或居歎羨之餘雅意何憑
 定沐陽春之貺拾珠璣於咳唾光映縣弧晤姓
 字於篇章榮過放鶴倘溯洄致念傳來秋水伊
 人即瀟洒為懷不讓香山居士爰成偶語用弁
 蕪辭

生涯常自足宦事少人知司馬曾多病東方亦苦饑世
 情分冷暖天道識盈虧白犢人難測黃羊我不為棘闈
 雖决絕藝苑尚羈縻但得畱名姓何須列鼎彝效顰時
 汲汲揆覽日遲遲初度尚敢和名賢韻聊當自祭詩夢
 庚寧足異紀甲本無奇畫錦堂開日蘭湯飲罷時余大

新第三日生數齡隨鶴任千里逐鴻達癸未隨大一覽

浮香閣能吟雲谷碑同寮誇穎異舉坐羨威儀大父常

客誦預擬排青瑣相期給玉糜帝京隨告急廟謚竟傳

思忽見滄桑際旋將簪笏辭故園初剪棘破壁漸編籬

丁亥歸里卜居梅花館坐聽漁歌開閒看牧豎嬉醉吟成自得紙

筆復誰期綠野園招隱青箱業授師璽書存蘊藉諫草

繼蕙蕤學步將繩武含飴一解頤三槐佳氣集五柳綠

陰滋塵柄朝昏執鳩筇出入司陳情淡繾綣捐館失追

隨不怨家常薄還愁路轉岐執經遵母命賣櫃被人嗤

余奉母命受經舅氏以奩櫃償寄食者補得白華句都成黃絹詞余有啓微賣櫃

行有懷毛義捧肯讓子雲麾覆簣功原易磨針志不移

虎溪親馬帳蛟渚憶龍墀虎溪蛟渚皆余從師處失恃無先兆劬

勞實始基難拘苦塊禮遍覓稻梁資片席棲珂里諸生

遶墨池庚子坐馬勲公西席望雲殊渺渺愛日愈孜孜刻志攻燈

火含情解素衰上書悲下第同學贈將離辛丑有舉城之遊短

棘皋城往長歌清浦遺銓部徐月鹿先生時權清江浦余有詩寄邀其罷薦黃香

聯縞紵謂秋涵徐穉結墳箎謂颯茲兄弟返宅迎新婦牽絲藉

厚施圖書親剪尺荆布佐茅茨作賦含香閣含香閣葉民部公齋

各時子韻仲賓招同筆硯論文烈祖祠叔惟溪弟柔升夏瑞當時任乘秋季茵繼忠與余入人會

業一本堂而夏瑞季茵已故騷壇推主觸雪苑共交綏雅慕韓兼柳

稽懷稷與夔殺青書漢簡浮白擊秦椎嶽鎮群推勝登

臨不憚危丙午後客瀟陽狂吟呼李白妙画學王維筆向蒲城

夢藜從天祿窺違時因預卜嘉遯未從龜丁未筮蠱之彖詞越十年

而明失檢點先人集難禁後起衰韋編聊致慕貂續轉含

悲大父有歸田錄余稍為增訂之說項逢傾蓋談心輒倒卮黃岡杜自昆侯見余諸

集謬加賞識即江湖全識我提挈實由伊伏驥因懷顧

征驂一載馳庚戌姨父何次德明府招同盤根尊寶劍

脫穎怪毛錐愈混爭交賀陳徐共托丕歌尋桃葉渡酒

問杏花旗送客辛盈鼻悲翁痛切肌子與王子其人俱

年伯計至余忽心動後得家君凶音已先五日即世矣訃遲三日

淡憶春初訣渾忘篋底資招魂憑貝葉報德護荆枝著

意尋鷗侶何心馭虎螭長途因自畫數畝欲親耜鳳閣

遙馳幣龍關復下帷壬子赴瀟陽明尋班荆舊雨飲折

東春醪風鶴傳初急雲鴻歸較宜招携良友意堂構昔

人遣甲寅聞警移家孔鎮設帳管子述春到花成徑秋

歸月滿陂燒燈寧忍倦積案不停披詩共安仁校耐翁

選刻龍眠風雅余程立菴奉常悅余制義文邀正叔推

損金原市骨攻玉不嫌疵謬受明公眷那堪當事諮嗜

痴偏下問獻醜敢親持蒲柳經霜易參苓冒雨齋丙辰

規輟講辭皋廡移家傍董郛安希天易補私冀日重麗

宵小何多技攙搶竟有棊平湖波浪靜止水颺風吹投

杼誣曾子亾金指不疑余失明後移居於棠華雖躑躅

蘭譜肯參差宅付戴安道書傳韓退之耐翁先生構啟

為余買田菟裘營老計社鼓鬧春祈沃土人皆覬石田我實

私細君雖沒齒諸子莫攢眉抵老宜成繭臨波免画脂

誅茅椽截竹薙草逕畱芝予得梅花館之半因築僉說

室焉顏曰梅西草堂

移山妄予甘守兔癡閉門辭剝啄種樹擁招壘不肯因

人熟方成巧婦炊煙霞畱著述筆墨挽崦嵫念祖功無

朽時纂修家譜教兒才不羈兒情侍筆硯家聲推漢魏詞賦重陳

隋犬子非無父牛醫亦有兒敢誇門戶大未許硯田菑

學道衣更素安禪服易緇一節容老懶九折謝逶迤往

事雖成贅交遊半屬耆贈言吾有望長價或由茲黑白

纒分局輸贏莫定碁陽春舒草澤水雪瀉心脾從此忘

孤憤何方輟五噫耐翁收墜緒聲叟薄紕絲二老風流

遠聲名已並垂

吾翁誕辰陽月六日也己未孟陬陳潘兩先生以自
壽百韻詩見寄翁依韻和之而稿脫于情手情猶不
知預為之意也未幾做蘇和陶彌月復輟情跪進日
麥飯蔬羹枯鬚撚斷得無過勞神思乎翁日一肚皮

不合時宜恨不一時吐盡為無字碑而汝作如是觀
耶天中節後便過同人作別托言浮山度夏屢迂不
歸竟而祝髮則自壽千言和陶萬字總是掃却塵緣
作傳神三昧耳嗟嗟香山奉佛有嫗投機靈昭參禪
借翁入道惜以童年力薄何能負米承歡兼以鈍質
心癡豈克攤書養志致我翁捐家不顧不孝之罪豈
罄竹之所能書乎茲逢揆日不勝各天捧讀曩篇用
申遙祝倘同人俯賜一言即猶子之恩同於再造矣

不孝男 情謹識

吳彥璉字璧如號豹岑順治初諸生少卓犖有大志
最為王父斗華公所鍾愛父孟休公早世君

猶未冠執喪如成人殯葬盡禮奉孀毋避亂江南
以孝稱師事方蛟峯館祭必誠射蛟文會因與胡
子子兌王子暲文鄧子東之及予輩十數人同研
席交譽籍甚中年好游所至輒傾其座客皆樂與
之交晚食貧慷慨好義至老弗衰年七十四卒妻
陳亦先三月歿白頭偕老殆鄉閭所僅見者所著
敦風堂詩稿予曾為序
之今摘其尤者若干首

白紵歌

前明風雅集卷一四
春雲如黛山如雲柳陰入手花成文芳姿新沐容華紛
玄天微淡鬱層雲縹霞映酒舉屬君何能不飲空氤氳

懷方子詒姑丈

十年與君友朝夕如飲醇我住柳溪畔君家縱水濱經
年下我榻我亦不辭貧食我脫粟飯君亦不怒嗔惟君
愛沉靜足不窺四隣高文復古處感君慰誨頻今年遭
離亂飄散如風塵我羈白下久相別已浹旬念君意甚
切言之苦酸辛結交盡天下不若故人親胡爲江海學
抱志久沉淪願君更努力加餐慰故人

示七弟舟之

吾弟瘦若華亭鶴高視濶步若不樂意氣欲懸霄漢間
文章輒自擬盧駱惜哉偃蹇貧無糲仰天翹首號風霜
時時閉閣草玄苦日日窮途乞米忙丈夫立身恨不早
奇才太用晚亦好出門休怪炎涼徒曳裾傾蓋皆草草
君不見齊王昔困淮陰時乞食老嫗何枯槁

浣筆泉

不知此水始何年相傳太白浣筆泉筆與人何在此水
尚猶然風流成不朽至今頌青蓮吁嗟乎此泉何足重
千古良以太白詩酒賢從來富貴容易沒因知地以人
始傳今人浣筆水如墨幾見聲聞到耳邊

舟行小飲漫成

扁舟凌曙色飄渺絕人羣浦暗遙吞樹湖空不碍雲浪

前明風雅集卷十四
推沙鳥出風挾寺鐘聞賴有滄州癖停杯眷夕曛

除夕飲方周臣宅卽席得文字

一歲今宵盡歡須及夜分短歌當座發長嘯隔林聞談
久詩因就寒淡酒不醺椒觴明日共與我再論文

館舍初成李浴咸額堂曰來青并示以詩因次原

韻

園林三徑好不藉五丁開綠傍幽溪出青隨疊嶂來簾
前留月住竹裏任風迴閉戶無他意時人莫浪猜

懷石龍衍公

朝來望遠公遙想萬峯中祇樹浮雲綠天花墜雨紅夜
看山吐月曉對竹吟風不覺懷君切新詩藉鶴通

南歸同吳千里潘蜀藻子詒姑丈分得牀字

遊倦陪京秋未央北風江上近重陽故人放逐歸三徑
舊籍踉蹌滿一牀奇字難從朝貴問新詩常向酒家狂
風流自昔推桃葉鄉夢何妨遶建康

贈戴山民道及

謝公墩畔有遺賢卜築茅廬又幾年世亂不須求友簿
家貧兼乏買山錢詩成百斗常浮白書著三冬更草玄
大小只今稱二戴慚余空羨祖生鞭

同潘蜀藻左子周方子九子留集妓蔣飛雲宅用

壁間原韻

雲翳瀟湘雨未收晴風飄渺透簾鈎笑看結綠將過膝

南唐書卷之十四
懶學飛黃不上頭已賦曉寒遊左掖更尋夜月到南樓
昨來枕畔無私語似有旁人聽女牛

寄懷童穉公

溪頭隔岸柳烟輕門閉春深花氣清羣岫雲飛山月午
空江風擁海潮生開筵上客隨車滿盈篋新詩對酒成
自笑十年隨淡漠不從城市問浮名

余將有濟上之遊方樓岡學士以詩送之次韻以

答

春夏棲遲復阻冬家山千里亂雲封遊踪非我情靡定
貧病催人意不慵太史新詩憐獨切使君舊好想能容
心馳濟水慚無翼又念妻孥早廢春

班婕妤

中道恩衰謝輦餘搦殘銀管夜窻虛高情不問羊車路
獨對寒燈自校書

哭王維稷

落葉悲風望舊廬故人從此嘆離居一生筆墨無遺恨
三鳳猶能讀父書

瓊花觀

雷塘春色映明霞剪綵懸燈古帝家二十四橋流覽處
遊人時復問瓊花

吳彥瑋

字舟之順治初諸生少游方蛟峯觀察之門
穿穴今古蔚為名流射蛟文會與兄璧如有

二吳之日博聞強記才思風發亂後家殖寢落客
授以資膏火年甫四十餘賫志而歿士論惜之

應試

纔到槐黃候隨人也趁忙囊輕惟劍履金少只衣裳江
載繁華夢山添娥媚粧秣陵秋色裏徒惹六朝香

暑中過潘蜀藻石經齋步韻偶成

團扇風涼酒緩傾南牕午睡夢初驚海棠尚待秋來發
石蘚偏當雨後生杜老浣花疑地改陶公種柳喜堂成
果然身在羲皇上不到那能識此情

送鄧東之赴豫章中丞書記汪惟肖赴漢陽明府

書記

東風強欲送河梁楊柳絲牽去路長珮結湘江招屈子
帆過彭澤謁滕王琴堂共飲冰壺酒甲帳旁分侍史香

悵望烟波魚信少春深紫葍坐閒房

偶憶王維稷作此哭之

雁急風高哀失羣知音已去抱琴焚幽牕雨濺今宵淚
短篋星輝舊日文天上玉樓需李賀人間金榜落劉蕡
雄心未冷魂應返濁酒寒燈夢見君

送霞蒸叔入都兼柬方老師子詒

繫馬長亭勸此杯青雲隨鐙上金臺元方若論寰中事
小阮殊慚天下才薊北三春偏少雁江南五月更無梅
夢遊微識關山路只待秋風鼓鬪來

齋中閒咏

輕寒無那酒三杯兀坐閒堂戶不開護得舊巢留燕至

調將新譜待鶯來

方正言

字繼忠高士子留之長子痛父憤鬱侘傺以死雅欲追臯羽聖予之蹤著千秋之業以不朽其父厄于窶貧無以養王母與母不得已為汗漫游所之不偶既罹二豎之憂復抱無兒之痛甫三十歿于皖上予為詩二章哭之有云客死倍教增母慟兒亾誰更繼君忠重溫三十年前淚哭爾還兼哭爾翁又云本為生兒求絡秀翻教泣血哭非熊嗚呼惜矣予不忍其無傳從令弟明試所得二首以存其人存子留也

懷老母

出門纔幾步先命早歸來
念子防多病思親懶上臺
卅年艱苦備半載別離哀
明月舟中夢斑衣戲老萊

和三兄幼安水中牡丹影

誰移姚魏傍堤栽花映清流
不染埃水面細搖紅粉艷

波心倒挂赤霞開疑邀秦女臨粧後
似遇湘妃剪絳來不是凌空虛布錦
依然認作暗香猜

李

越字白也世居白雲巖生而方額豐頤好學善屬文師事丁漢公倬汲古蒐奇屢困童子科遂棄去用全力攻詩古文詞隱居教授不求聞達邑令李公雅相引重聘為子弟師然安貧樂饑絕不以居間請也會李公伯子宰營山辟為記室以母老固辭不獲崎嶇萬里宰故豪武不諳吏治一切皆出其手多政聲人何以病卒于署中諸兒苦貧弗克奔喪賴小奚李方南者流離蜀道轉徙數年負骨而歸所著墨坪草圃問近草等集藏于家其門人余直不忍其湮沒而弗傳也獨慨然捐資佐梓以存萬一可感也已

夏日山居

學稼村莊已二年何妨人說別家田
山場有分供樵牧野屋無租勝市廛
澗曲濯纓扶醉坐松陰繞峽伴閒眠

空林一夜經新雨細竹修梧處處妍

水中雁字

奮起臨流畫錦雲幾行揮掃度河汾
蜃樓改署圖書府
海市爭傳露布文
蒼頡曾摹終是跡
祖龍有焰總難焚
山陰當日如能寫
不把籠鵝讓右軍

奉送漢公丁夫子南都應試

買舟幾度試昆吳
浩氣今番直棄襦
搖筆五花凌上國
挂帆一葉達南都
天人豈是干時策
抱負真爲出世符
寄語山靈休悵恨
先生原不擬潛夫

春日遊王太史西園

二首

出郭尋幽意心期太史園
山光恬鳥語人跡破苔痕
徑以行來曲花從放處尊
此中塵事少泉石自寒暄
木石皆成趣悠然淡客情
鳥聲花底媚詩思竹間清
鶴去亭無侶堂虛雲自生
携尊桃李好偕坐聽流鶯

秋夜感懷

二首

西風何瑟瑟兩度客龍眠
市熱擅偏冷人孤月亦憐
問名羞學宛抱恨愧林泉
一自饑驅後勞勞不記年
怪殺清秋夜偏爲遠客長
送窮詩亦拙賣賦債難償
靜裏疎人事寒來憶草堂
檢囊羞澁甚猶覺少陵強

哭漢公丁夫子

二首

去歲芝蘭悲天折共將天道歎無知
正嗟卜子傷心日
剛是休文病瘦時

先生素善病

七字總難銷永痛雙珠自許

慰含飴先生哭玉及詩有孫枝兩樹慰含飴之句如何重返家園候二豎橫
侵遂不支

王孟新詩韓柳文先生氣宇舊超群略教啓口空前輩
每試揮毫輒冠軍筆掃千人推間出數奇百歲僅平分
可憐咄咄圖南志半付寒羶半水雲

杜陵

字又少別號樊川祖若榮鄉飲大賓父廷哲君少有大志十六補博士弟子甫三十舉明經待次選人性敦孝友曾祖母徐十入歲矢節壽七十二高祖母嚴二十歲矢節壽八十為之請于邑侯有雙婺流輝之額家故裕歲饑首發粟以振貧餓又大軍之後倡議均保甲皆其為德于鄉梓者二子均感感能精文選不隕家聲

竇公祠納涼有感弔之二首

乘箕直返白雲鄉廟貌崇閔尚有光洒血直須朝絳節

成名何必佩金章一腔赤貫千秋日半壁心寒萬古霜

苦熱與僧談往事

任持僧元生頓教大地轉清涼

緬懷古道覲霜顏劍閣鍾靈不等閒公諱成蜀人一死拚留

城郭在九原定戴髑髏還忠魂斷送青山碧血淚重霑
野竹斑愁殺杜鵑啼舌冷隨風可得到鄉關

弔無可大師

仰止高風詎可攀芳名從此重桐山木天香散花光碧
蓮座寒傾竹淚斑應有衣冠傳世澤尚留姓字滿人寰
九京多少簪纓輩頰首為君合汗顏

新茗

冰甌初試雪坑春頓覺清涼沁入唇為愛龍芽三月早

龍眠風雅續集卷十四
且嘗雀舌一年新香分玉液全承露色似蘭花未染塵
解渴穩知功莫敵相如何事漫傷神

柏葉歌

蕭颯金風當晚節柏葉隨之染成血豈緣嚴霜早變衰
丹成偏覺與眾別可憐昔日稱烏柏一旦猩紅詫奇絕
終遜磔硤嶺上松百尺青青傲霜雪

蘆花歌

江干一片落花飛虛疑柳絮驚風亂烟水茫茫仔細尋
烟波飄渺簇沙岸停橈欲呼蘆中人切莫流離涉河漢

楊臣陔

字欽四號樂胥康熙丁未進士少家貧發憤
讀書不沾沾章句務淹貫經史為經世之用
雖家無擔石抱膝高吟泊如也其家五世同炊傳
至贈君邑庠楫汝公食指漸繁始謀析箸以闢定

公應得其莊其土頗稱沃公念弟幼願取硤確贈
君喜從其請初宰邯鄲值甲寅軍興旬午兵馬絡
繹單騎籌畫雞犬不驚此邑沙地極廣部議開墾
百姓聞之咸思逃公捐上部費詳蒙憲允民得
安堵如故尋丁太夫人艱回籍清風兩袖而已服
闋補任光山時值歲歉民不聊生公捐俸設立十
粥廠賑饑活生民億萬光邑儒學久頹公蒞任卽
捐資修葺煥然如新又設義學延師課士光人士
蒸蒸丕變焉他如減私耗免當稅寬鹽引其惠民
通商諸政績皆詳載光邑乘中閱三年解組歸父
老攀轅泣送之因勒不建祠以垂不朽公歸里葺
也園數椽鋤雲種藥足迹不至公庭陽羨王公常
式間訪之不見生平坦懷大度磊落不
羈卒時跌坐合掌而逝一語不及家事

春居

江南春色至別是一番新不覺花皆放翻疑地有茵風
來香引蝶樹暗徑迷人老至無他事林泉寄此身

古松

老樹尚蒼然相傳近百年不愁風雨折豈受雪霜憐小
雀時藏入寒猫晝愛眠居然成偃蓋莫漫棟梁傳

三山

海腹藏吳楚三山自古殊竒峰天外靜喬木水中浮暮
雨留淡樹斜陽帶小鳥當年成敗事空有莫愁湖

夏日也園雜咏

六首

負郭園初葺臨溪傍遠山何妨人不到一任夜無關樹
密苔堦窄林淡花影閒容吾鋤小徑風至一開顏
時雨來初歇石枰長綠苔嶺雲看不盡孤鳥去還來驢
向河邊放人依樹影回涼風吹竟夕趺坐轉徘徊
坐臥情偏適行吟客思寬蛛牽當戶網月落一天寒掃

地同僧話茹齋作病觀夜來眠不著默坐聽更闌
晚涼何處坐松竹裏爲家遠舍聲聲笛沿村處處蛙漏
淡人語靜風動樹枝斜起視天無際銀星燦若華
暫作蒲團想瀟瀟不惹塵殘書爲素友一硯結芳隣傷
晚蚊喧屋凌空月曬人焚香兼煮茗隨地有天眞
無數蜻蜒見高低散遠天午風吹轉熱驟雨燥尤偏消
馮桐山茗遣懷秋水篇倦餘窗懶掩一枕夢翛然

榻

細藤編短榻靜坐得安全醉後閒成睡倦餘坐懶遷枕
書當暑臥無事上燈眠小閣相依久趺跏養自然

帳

龍明風雅集卷十四
數幅裁成帳匡牀恰稱君方冬開看雪每夏放驅蚊鈎
響侵殘夢香存尚半熏却嫌深夜鼠頂上自紛紜

琴

掃几人俱靜閒來拂素琴辨聲能得趣暫學卽傾心賀
若傳徽軫鍾期重古今寒燈心事懶聊復試清音

棋

短具隨子好臨機恰稱情輸贏爭爾我黑白自分明淺
學敲枰法欣聞落子聲科頭松樹下一局了吾生

書

每喜書盈屋癡心似蠹魚籤新近日換墨重昔時塗珍
重頻年讀飄零幾葉餘縹緗時在眼分散守吾廬

劍

楚劍藏秋水何嘗罷却明龍泉身可託兔膽戰誰爭壁
上常留伴匣中竟欲鳴悲來思起舞懷古獨含情

恭呈大司農梁夫子

祭戟崔嵬世所宗崇階特授大司農持籌久協蒼生望
搢笏時邀聖澤濃獨以駑駘勞剪拂謬隨鷓鷯立從容
攀躋蹤有同升願絳帳終教隔幾重

叢臺讌集酬年姪方文房

累世金蘭有素盟桂林聲價等慈明一官我作十年別
仗策君爲萬里行鄴下漫教尋趙壘黃梁誰復夢盧生
祇今小集叢臺上芳草芊芊弔古情

光山解組歸父老攀轅詩以慰之

回首彈冠一夢中片帆不及待秋風詩書滿載知官冷
琴鶴隨人識吏窮三載瘡痍悲父老一朝筐篚別兒童
從今好待新慈父何必依依長葛公

子性愛桃也園所植極盛留連花下率賦

纔施幾點淡胭脂不覺桃源路已迷三月叢中紅正好
百株葉上綠猶遲輕盈有態歌春曲爛熳無言落酒卮
聞說此花消恨好相酬豈惜百篇詩

訪某上人不遇

無計留春酒一尊落紅如雨遍荒村桃花謝後枝生子
杜宇來時月斷魂山下波濤圍竹徑堤邊楊柳繫禪門
老僧虛我殷勤訪留句聊當玉帶存

梅

徒費嚴冬寒徹骨依然破蕊獨成行嶺頭樵採春先得
骨裏清癯雪不妨風過幽香勞客夢雨餘秀色競羣芳
花中自是推巢許忘却人間富貴場

野蘭

春來無處不成花最愛盆蘭映碧紗粉點春心香幾片
刀分弱瓣影偏斜何曾當路爭濃艷偏愛空山作野家
桃李雖多人賞識孤芳原不逐繁華

西湖贈校書張素雲 六首

鏡湖春色正堪誇好夢頻教寄阿家一幅新粧描不出

芳心妬煞上林花

坐來朝夕好相宜淡注唇兒淺画眉只怕一聲腸斷處

落花枝上鷓鴣啼

金蓮小立露痕淡宛轉秋波醉客心幾度含羞嬌欲語

歌聲無力夜沉沉

誤入天台何處來劉郎從此戀樓臺縱非太液池邊見

也是桃花鏡裏開

海燕同棲玳瑁梁橫雲斜月玉生香從今辦得新詞賦

付與張紅記曲娘

瀟灑臨風迥出塵溫柔鄉入夢中身陌頭楊柳青如許

肯負艷陽桃李春

楓葉二首

幾處霜楓動客憐吳江冷落意蕭然桃源多少花迷路

錯認妖紅二月天

點綴寒枝山澗裏參差黃菊任成陰今朝已是三秋景

杜宇何時血滿林

楊嘉謨

字爾有號守崖樂胥公之子為人厚重寧靜不苟言笑讀書落落有大志長從樂胥公宦

遊畿邑循例入上舍屢困棘闈潛心經史博覽九章故樂胥公兩宰花封政聲赫赫其得過庭贊襄之力為多云樂胥公率絲洛漳時太夫人以春秋高不欲就養留君侍王母君朝夕承歡婉容愉色及視飯含備物盡禮人謂其善成親志樂胥公服闕補光山令君擔簦之署衣履儉素儼如寒士往來汝潁間見者皆不識為田禾公子也曾有故人子過光樂胥公欲厚餽之君規宦囊適乏乃私鬻匹馬衾襪密贈以歸其不令客歌彈缺主餉留行者皆此類也樂胥公晚年淡於仕宦雅愛林泉君

為手構別墅以娛晨昏客至飲滿樂而忘歸至今
亭館透迤花木蕭疎皆其經營締造之餘也君相
貌魁梧豐姿白皙望之若厲即之愈溫與人謙集
一飲能傾一斗然終夕雍雍以禮自持未嘗少有
屢舞之容其雅量含弘得諸天性者然也先是家
甚貧會貧人子母錢獲劑券於路封還其人秋毫
無負間里稱盛德焉尋因父喪哀毀過甚寢疾不
痊卒年三十有九易簣之日語不及私惟以父有
侍婢遺命遣嫁必以厚奩資之元配馬孺人果
如其言所著有守崖詩集松筠齋文集藏于家

懷馬紹平江寧二首

忽發三江櫂匆匆不肯留風光詩裏盡春色客中收莫
以他鄉遠還增故里愁白門花正好可憶我同遊
不解分離苦因君別後知興從近日減情為遠人癡未
遂看花約翻題折柳詩倚門親更望莫浪擬歸期

贈融遍上人

老僧真性定無意戀繁華寺古藤為壁人幽竹可家瘦
容矜氣釋梵語道心嘉魂夢陶情處白雲天一涯

題齊鐔公郭外新居二首

吾兄家世胄今日尚崢嶸雖卜山人屋還承太守聲亂
峰煙裏望流水徑旁橫鄴架書千卷何慙擁百城
世薄當存拙容身便是家琴書堪伴侶筆硯即生涯枳
棘偏棲鳳梧枝慣宿鴉花間尊酒醉隱忍待年華

飲胡以昭先生山館

小閣依山山倚城遊人此地未知名鳥從林外啼時見
花向樽前笑處明三徑居然陶處士一經常授魯諸生
圖書滿架傳家舊四壁松風動我情

贈馬大瞿士馬二紹平

與君兄弟最情親
聚首論心不厭頻
俠氣常輕天下士
高談足振市城人
當年司馬風猶在
此日公麟筆更神
笑我寒窗燈火夜
每慙勵志伴松筠

閨情

松月疎疎色倍清
殘燈四頃不勝驚
蘆簾冷落雙鈎靜
菱鏡模糊隻影橫
愁緒那堪鐘漏永
夜深怕聽杜鵑鳴
錦箋寄與同心伴
故里風光亦稱情

江遠青月夜過訪
丞道齋頭蓮花之盛
因命余詩
幽棲暫借一枝安
聽說蓮房引興寬
香綻應能浮玉案
葉穠常欲覆朱欄
須防遊蝶連朝採
莫讓狂風午夜殘
更喜碧筒堪勸酒
芳時肯約故人看

輓吳大夏

二首

少小雞窗共討論
常將心事話琴尊
卽今空有文章在
那得相逢俠氣存
每念連牀頻墮淚
迴思聚首暗銷魂
朱顏不許長留住
寫就新詩哭寢門
廿載交情意氣真
今朝爲爾倍傷神
同君初夏論知己
獨我新秋哭故人
未報含飴捐大母
恨難戲彩慰雙親
悠悠不盡悲懷事
說到無兒涕更頻

過友人看菊

特地支筇過草堂
名園佳致勝春光
輕盈幾片風翻綠
爛熳無端日映黃
調護應勞三夏力
芬芳偏趁九秋香

須知冒雨開何限此後難經午夜霜

和友人催妝詩

輕寒薄暖日初長燕子雙棲十二廊楊柳方垂腰尚瘦
海棠初綻氣偏香知將錦瑟依蘭閣常譜新聲到玉堂
此夕已諧秦晉好朝朝低喚画眉郎

和友人寄懷原韻

二首

歲月蹉跎生計微多年還著舊鶉衣棲遲野寺愁常積
淪落寒窗志久違璞玉未明終是別羽毛縱滿豈堪飛
雲山不遠人千里何日同君共下幃

君依谷口我依城兩地懸懸恨不平暗裏繫懷常獨語
夢中相接竟聞聲久拋殘籍耽狂興欲構新詩奈俗情
昨見子安秋水句庾徐江左舊知名

送馬紹平覲省江寧

匆匆又向白門行十月帆輕浪更平湖海雖增遊子興
山川難遣故人情風生絕岫江明火霜落孤舟雁報更
迴首河橋相送處好將尺素慰同聲

臨溪松下

獨向清溪把釣鈞悠悠流水不知愁翻疑鳥在池中集
更覺魚從天上遊

冬杪紹平不歸又用瞿士原韻懷之

四首

君到長干是故廬何須彈鋏歎無魚歸帆切莫三冬後
辜負梅花在歲除

會記春遊破積苔故園春意復催梅莫言離別無多日
試看江南開未開

多時花徑掩柴扉鴻雁無書空自飛豈爲交情疎更密
故留異地莫言歸

渡江僕至問歸帆荅說羈人書一函唯恐久留風景處
縱然書至怕開緘



